




字 131134  
79

131134  
8509  
241







說文解字第十三

義證弟四十二

曲阜桂馥學



一名蝮博三寸首大如擘指象其臥形物之微細或

行或毛或羸或介或鱗以虫為象凡虫之屬皆從虫

許偉切

本書它虫也

通作虺爾雅虺牀郭注蛇牀本草蛇牀子一

名虺牀子吳語為虺弗摧為蛇將若何韋注虺小蛇大也通

鑑高道穆說爾朱榮曰此所謂養虺成蛇又通作虺顏氏

家訓勉學篇吾初讀莊子魏二首韓非子曰虫有虺者一身

兩口爭食相齧遂相殺也茫然不識此字何音逢人輒問了

無知者後見古今字譜此亦古之虺字積年凝滯豁然霧解

又通作蝮廣韻土蝮毒蟲

一名蝮博三寸首大如擘指者諸書所引竝無指字通作

虺釋魚蝮虺博三寸首大如擘郭注身廣三寸頭大如人

兌文解字義登

卷四十二

連筠篔叢書

靈石楊氏

孽指此自一種蛇名為蝮虺釋文作蝮虫云此蛇色如綬  
 鼻上有針大者百餘斤又一名反鼻鼻一孔虫即虺字也  
 說文云虫一名蝮博三寸首大如孽字林同舍人亦云蝮  
 一名虺案蝮大蛇也非虺之類故郭云別自一種蛇名蝮  
 虺本今作虺博廣也謂身廣三寸孫云頭如拇指郭注三  
 蒼云孽大指也案手足大指俱名孽也漢書田儉傳蝮蠶  
 手則斬手蠶足則斬足何者為害於身也顏注云爾雅及  
 說文皆以為蝮即虺也博三寸首大如孽而郭璞云各自  
 一種蛇其蝮蛇細頭大頭焦尾色如綬文間有毛似豬  
 鬣鼻上有針大者長七八尺一名反鼻非虺之類也以今  
 俗名證之郭說得矣虺若土色所在有之俗呼土虺其蝮  
 惟出南方史記正義按蝮毒蛇長二三丈嶺南北有之虺  
 長一二尺頭腹皆匾說文云虺博三寸首大如孽孽手大  
 指也物之微細或行或毛或贏或介或鱗以虫為象者  
 爾雅釋文引作或行或飛玉篇虫物之微細或飛行或毛  
 甲皆以象之集韻韻會引作或羽或毛李陽冰曰虫蟲裸  
 毛羽鱗介之總稱周禮大司徒所稱動物曰毛鱗羽介贏  
 大司樂亦云致羽物致贏物致鱗物致毛物致介物注云  
 羽物既飛又走月令孟春之月其蟲鱗孟夏之月其蟲羽  
 中央土其蟲保孟秋之月其蟲毛孟冬之月其蟲介管子

春爨以羽獸之火夏爨以毛獸之火秋爨以介蟲之火冬  
 爨以鱗蟲之火中央爨以保蟲之火子華子鱗蟲三百有  
 六十震宮蒼龍為之長羽蟲三百有六十離宮朱鳥為之  
 長毛蟲三百有六十兌宮麒麟為之長介蟲三百有六十  
 坎宮伏龜為之長保蟲三百有六十盈宇宙之間人為之  
 長呂氏春秋觀表篇毛羽裸鱗未嘗息也注云毛蟲虎狼  
 之屬也羽蟲鳳皇鴻鵠鶴鷺之屬也裸蟲麒麟麋鹿牛羊  
 之屬也蹄角裸見皆為裸蟲鱗蟲蛇鱗之屬大戴禮曾子  
 天圓篇毛蟲毛而後生羽蟲羽而後生毛羽之蟲陽氣之  
 所生也介蟲介而後生鱗蟲鱗而後生介鱗之蟲陰氣之  
 所生也毛蟲之精者曰龍石氏星經東方青帝其精蒼龍司  
 日龜鱗蟲之精者曰龍石氏星經東方青帝其精蒼龍司  
 鱗蟲三百六十北方黑帝其精元武司介蟲三百六十西  
 方白帝其精白虎司毛蟲三百六十南方赤帝其精朱鳥  
 司羽蟲三百六十中宮黃帝  
 其精黃龍司保蟲三百六十

蝮

虫也從虫夏聲

切

虫也者爾雅釋文引舍人云蝮一名虺廣志蝮蛇與土色  
 相亂長三四尺其中人以身擦之裁斷皮出血則身盡痛

連筠蓀叢書

九竅流血而成馥案孫炎所謂有身最毒者是也陳藏器云蝮蛇形短鼻反錦文亦有與地同色者著足斷足著手斷手不爾合身糜潰馥案與地同色者即本書之虫名為土史郭注爾雅言此自一種蛇名為蝮虺郭氏音義別載也非虺之類故郭云別自一種蛇名蝮虺郭氏音義別載一種蛇云細頸大頭色如綬文文間有毛似豬鬣鼻上有針大者長七八尺一名反鼻此則釋文所謂大蛇也郭恐人誤為一物故兩疏之通作蝠後漢書崔琦傳蝠蛇其心注以為蝠蝠非是



神蛇也從虫朕聲徒登切

神蛇也者字林同釋魚騰蛇郭注龍類也能興雲霧而遊其中中山經柴桑之山多飛蛇郭注即騰蛇乘霧而飛者通作騰文子騰蛇無足而騰慎子蜚龍乘雲騰蛇游霧荀子勸學篇騰蛇無足而飛星經騰蛇二十二星在室北近河主蟲蛇淮南覽冥訓前白螭後奔蛇高注奔蛇騰蛇許注奔蛇馳蛇是也或曰淮南人呼此蛇為蟒蟻義亦通馥謂即九懷騰蛇兮後從也說林訓騰蛇游霧而殆於螂蛆高注螂蛆蟋蟀上蛇蛇不敢動史記龜策傳作即且集



大蛇可食從虫保聲人占切

解云即且似蝗大腹食蛇腦司馬相如傳騰遠射干索隱司馬彪云騰遠蛇也說苑騰蛇遊於霧露乘於風雨而行非千里不止然則暮託宿於鱗鱗之穴所以然者何也用心不一也魯靈光殿賦騰蛇蟠蚪而遠棧論衡狀雷篇蛇騰便於神龍郭璞贊騰蛇配龍因霧而躍雖欲登天雲罷陸莫材非所任難以久託宋書建平王傳騰蛇嘗躍而沈雲鬱冥劉氏新論託附篇騰蛇附於春霧志希凌霄之游類感篇騰蛇雄鳴於上風雌鳴於下風而化成形

唐注本草蚌蛇其形似鱧魚頭若鼉頭尾圓無鱗異物志蚌蛇食鹿出骨與已蛇同郭注大荒南經今南山蚌蛇吞

鹿北戶錄蚌蛇大者長十餘丈圍可七八尺多在樹上候

麋鹿過者吸而吞之至鹿銷即纏大樹上出其頭角乃不復

動夷人伺之以竹籤殺之取其膽也晉中興書顏含嫂

病困得蚌蛇膽為藥即愈南齊書虞愿傳出為晉平太守

郡舊出髻蛇膽可為藥有餉愿者愿不忍殺放三十里外元和郡縣志福州貢蚌蛇膽新唐書地理志南海郡貢蚌

大蛇者字林同玉篇蚺大蛇也陶注本草蚺蛇出晉安大者三二圍嶺表錄異蚺蛇大者長五六丈圍四五尺次者亦不下三四丈圍亦稱是身有斑文如故錦纈寰宇記蚺蛇長十丈以婦人衣投之則蟠身長六七寸碎不祥可食者字林同玉篇蚺肉可以食唐注本草蚺蛇今出桂廣已南高賀等州亦有將肉為膾以為珍味難成似鼉稍截會之字或作聶淮南精神訓越人得聶蛇以為上肴高注聶蛇大蛇也其長數丈俗以為上肴字又作聶水經注葉榆水云交州山多大蛇名曰聶蛇長十丈圍七八尺常在樹上伺鹿獸過便低頭繞之有頃鹿必先濡令溼訖便吞頭骨角皆鑽皮出山夷始見蛇不動時便以大竹籤籤蛇頭至尾殺而食之以為珍異故楊氏南裔異物志曰聶惟大蛇既洪且長采色駁犖其文錦章會豕吞鹿腴成養創賓享嘉宴是豆是觴書其養創之時肪腴甚肥搏之以婦人衣投之則蟠而不起走便可得也

蟻也從虫董聲 弃忍切

蟻也者廣韻蟻蚺蚺也本草蚺蚺一名曲蟻一名土龍爾雅謂之蟻蟻已人謂之胸肥釋蟲蟻蚺堅蠶郭注即蜚蠊

也江東呼寒蚺漢書賈誼傳注蟻今之蟻蟻也顏注蟻與蚺同易通卦驗區種蚺蚺出大戴禮易本命篇會土者無心而不息盧辯云蚺蚺之屬

側行者從虫寅聲 余忍切

五音集韻蚺蚺也吳楚呼為寒蟻孟子夫蚺上倉槁壤下飲黃泉趙注蚺蚺之蟲也荀子勸學篇蟻無爪牙之利筋骨之彊上倉埃土下飲黃泉用心一也注云蟻與蚺同蚺蚺也孝經援神契蟻無倉無勢故無心史記封禪書黃龍地蟻見集解引韋昭曰蟻邱蟻也郭璞贊蚺蚺土精無心與蚺蟻集解引韋昭曰蟻邱蟻也郭璞贊蚺蚺土精無心之蟲交不以分注於阜螽觸而感物無乃常雄宋玉鈞賦善釣者其餌非蟻也月令孟夏之月蚺蚺出仲冬之月蚺蚺結正義引蔡邕章句結猶屈也周書時訓解蚺蚺不出慶奪后尚書大傳時則有華髮注云華當為夸夸蚺蚺之生於土而游於土者

側行者者玉篇蟻蟻仄行即寒蚺也馥案考工記注以為卻行六書故蚺蚺土中無足羸蟲也側行蟻蟻故謂胸肥

又謂曲蟻蚯胸曲同馨馥案漢志已郡胸忍縣顏注胸音  
助曹全碑亦作胸徐鉉新附字云胸肭蟲名從肉旬馨如  
順切後漢書吳漢傳亦作胸肭注引十三州志胸音春其  
地下溼多胸肭蟲因以名縣此皆音隨字變不如戴氏得  
其實也

蟻或從引

或從引者寅引馨相近釋名引  
演也漢書律歷志引達於寅

蟲在牛馬皮者從虫翁聲鳥紅切

蟲在牛馬皮者者爾雅釋文引字林無馬字玉篇蟪  
蟪牛馬皮中蟲也廣韻蟪蟪小蟲生牛馬皮中也

蟪從虫從聲子紅切

蟪蟪也者爾雅釋文  
引字林蟪蟪似蟪

知聲蟲也從虫鄉聲許兩切

知聲蟲也者玉篇蟪禹蟲也洪武正韻蟪禹蟲知聲者蟲  
異賦注蟪知聲蟲也能令人不迷類從云帶蟪醒迷鄉  
馨者韻會云  
蟪從響省

司馬相如響從向

司馬相如者如下脫說字  
從向者響令人不迷故從向

蟲也從虫召聲都僚切

蟲也者廣韻蛸  
蟪茹中小蟲

蟲也從虫𠂔聲祖外切

蟲也從虫甬聲余隴切

廣志凡草木蟲以蛹化為蛾荀  
子蠶賦蛹以為母蛾以為父

繭蟲也者玉篇蛹老蠶也廣韻蛹蠶化為之埤雅蛹者蠶  
之所化蠶者蛹之所化淮南繆稱訓小人在上位如寢關

說文解字卷登 卷四十一 五 連筠篠叢書

曝繢不得須臾寧高注繢繢也曝繢繢動搖不休或乃止也四民月令四月繢既入族趨線剖線具機杼敬經絡是月也可作棄繢以御賓客通作繢古文苑短人賦繢中繢兮蠶繢須注云繢今作繢

𧈧

繢也從虫鬼聲讀若潰胡罪切

繢也者集韻蠹繢繢也釋蟲蠹繢繢郭注蠹繢孫炎云蠹繢是雄繢即是雌顏氏家訓案爾雅諸書蠹繢名蠹繢異賦注蠹蛾繢所化也博物志曰倉桑者有緒而蛾蛾先孕而後交集韻原蠶其繢蝻繢玉篇蝻蠹也廣韻蝻繢也通作蝻廣韻蝻蝻也古今字諧蝻與蝻同讀若潰者爾雅釋文云字林音潰

𧈩

腹中長蟲也從虫有聲戶恢切

腹中長蟲也者一切經音義十一引蒼頡訓詁蝻腹中蟲也字或作蝻關尹子我之一身內變蝻蝻外蒸蝻蚤又作蝻玉篇蝻與蝻同廣韻蝻人腹中長蟲本草篇竹煮汁飲小兒療蝻蟲齊書秣陵人張景腹脹面黃徐嗣伯云此石蝻極難療當取死人枕煮飲之依語煮枕以投之得大痢并蝻蟲頭堅如石者五升病即差靈樞經心腸痛懷往來

上下行痛有休止腹熱喜渴涎出者是蛟蝻也

𧈪

腹中短蟲也從虫堯聲如招切

腹中短蟲也者柳宗元罵尸蟲文修蝻養心短蝻穴胃華氏中藏經蟲有伏蛇白肉肺胃赤弱蝻之九名也史記倉公傳臨菑卮里女子薄吾病甚臣意診其脈曰蝻痕蝻痕為病腹大上膚黃羸循之或感然臣意飲以芫華一撮即出蝻可數升病已三十日如故病蝻得之於寒溼寒溼氣宛篤不發化為蟲正義云蝻人腹中短蟲

𧈫

似蝻易而大從虫雅聲息遺切

似蝻易而大者五音集韻雖蟲名似蝻蜴而有文馥案此蟲能致雨禱旱者宜求之

𧈬

虺以注鳴詩曰胡為虺蜥從虫兀聲許偉切

書仲虺之誥荀子堯問篇作中誥史記殷本紀作中鬻聲皆相近

虺以注鳴者玉篇虺戶虺今以注鳴者戶當作石本草所稱石蜴也山海經鳥首虺尾郭注虺尾銳考工記以注鳴

者注云注味也史記律書西至於注張注張柳張兩星之  
 閒南方朱鳥七宿柳為之味漢書天文志柳為鳥喙是也  
 詩曰胡為虺蜥者小雅正月文蜥彼作蜴陸璣疏云虺  
 蜴一名蝮蝮水蜴也或謂之蛇醫如蜥蜴青綠色大如指  
 形狀可惡正義云如陸意虺蜴與蝮形狀相類水陸異名  
 百陳啟源曰詩釋文去蜴星歷反字又作蜥詩緝辨之謂  
 蜥音析蜴音亦陸氏誤以蜴為蜥然說文引詩亦云胡為  
 虺蜥是古本多有作蜥者意釋文經本元作蜥當云蜥星  
 歷反字又作蜴後人傳寫據今本為  
 正遂互易蜥蜴兩字以致音與字連



蜥易也從虫析聲

先擊切

蜥易也者御覽引作蜥易守宮也李燾本蜥易上有蟲名  
 二字古今注蝮蜥其長細五色者名為蜥易本草石龍子  
 一名蜥蜴一名山龍子一名守宮一名石蜴生平陽川谷  
 及荆山石閒陶隱居云其類有四種一大形純黃色為蛇  
 醫次似蛇醫小形長尾見人不動名龍子次有小形而五  
 色尾青碧可愛名蜥蜴並不螫人一種喜緣籬壁名蝮蜥  
 形小而黑乃言螫人必死而未常聞中人按東方朔云是  
 非守宮則蜥蜴如此蝮蜥名守宮矣唐本注云此言四種

者蛇師生山谷頭大尾短小青黃或白斑者是蝮蜥似蛇  
 師不生山谷在人家屋壁閒荆楚江淮人名蝮蜥河濟之  
 閒名守宮亦名榮蜥又名鬚虎以其常在屋壁故名守宮  
 亦名壁官其名龍子及五色者並名蜥蜴以五色者為雄  
 色不備者為雌皆細長尾與身相類似蛇  
 著四足去足便直蛇形也蛇醫則不然



在壁曰蝮蝮在草曰蜥易從虫匿聲

於殄切

在壁曰蝮蝮在草曰蜥易者李善注解嘲引同一切經音  
 義二十引作守宮在壁曰蝮蝮在草曰蜥易廣韻引字林  
 說文字林作易云在壁曰蝮蝮在草曰蜥易博物志蜥蜴或名  
 在草作在洲本書易蜥蜴蝮蝮守宮也博物志蜥蜴或名  
 蝮蝮方言守宮其在澤中者謂之蜥易顏注漢書楊雄傳  
 蝮蝮蜥蜴也郭義恭廣志蝮蝮有屋壁閒者有草野者石  
 上者漢書東方朔傳臣以為龍又無角謂之為蛇又有足  
 跂跂脈脈善緣壁是非守宮即蜥蜴一切經音義六守宮  
 此在壁者江南名蝮蝮山東謂之蝮蝮陝以西名為壁官  
 在草者曰蜥蜴曹叔雅異物志魚跳躍則蜥易從草中下  
 稍相依近便共浮水上而相合事竟魚還水底蜥還草中  
 馥案此蟲見鬚各不動少傾鬚而空蓋以氣制之故名



蟲也者玉篇蠶食瓜蟲釋蟲蠶與父守瓜郭注今瓜中黃  
甲小蟲喜食瓜葉故名守瓜莊子至樂篇晉芮生乎腐蠶  
釋文云司馬云蠶亦蟲名也爾雅云一名守瓜一云蚡鼠  
也讀若蜀都布名者本書蠶讀若蜀郡布名案楊雄蜀  
都賦筒中黃潤一端  
數金言讀若潤也

莫經

蟲會穀葉者吏冥冥犯法即生螟從虫冥聲又螟蛉

切

陸璣詩疏螟似好蚡而頭不赤月令仲春行夏令蟲螟  
爲害尚書大傳時則有保蟲之變鄭注蠶螟蟲之類  
蟲會穀葉者者藝文類聚引作蟲會穀心者集韻菑螟會  
苗心也春秋隱五年螟杜注螟蟲會苗心者爲災故書  
正義云釋蟲云會苗心螟舍人曰會苗心者名螟言冥冥  
然難知也李巡曰會禾心爲螟言其菑冥冥難知也陸璣  
疏云舊說螟蠶蝻賊一種蟲也如言寇賊菑究內外言之  
耳故健爲文學曰此四種蟲皆蝗也寔不同故分別釋之  
然則螟非以虫名以會苗之處爲名耳呂氏春秋仲春紀  
蟲螟爲害高注蟲會稼心謂之螟仲冬紀行春令則蟲螟

爲敗高注會穀心曰螟明理篇有螟集其國高注會心爲  
螟漢書武帝紀五年八月螟顏注會苗心之蟲也楚元王  
傳水旱饑蠲蝻螟蠡午並起顏注螟蟲之會苗心者也詩  
詁螟會苗心者今禾始發有蟲生苗心中如蠶而細仍能  
吐絲包纏其心使不生穗爾雅翼今會苗心者乃無足小  
青蟲既會其葉又以絲纏集衆葉使穗不得展江東謂之  
蟻蟲漢孔臧蓼蟲賦曰爰有蟻蟲厥狀似螟是螟爲無足  
蟲也程君瑤田曰爾雅螟會心賊會節心節之義殊異心  
言莖之末生穗處節言莖之中閒生葉處也心正其生意  
所聚凡草未華時莖末生無數碎葉其滋長也在是其作  
華也亦在是所謂心也吏冥冥犯法即生螟者螟冥聲  
相近孫炎說爾雅云政貪所致春秋隱五年螟何休云先  
是隱公張百金之魚設苛令急法以禁民之所致春秋漢  
含孽螟應苛尅類聚引呂氏春秋亂國之妖有螟集其地  
淮南天文訓枉法令則多蟲螟高注蟲會苗心曰螟京房  
易傳臣安祿位茲謂貪厥災蟲會根德無常茲謂煩蟲會  
葉不細無德蟲會本與東作爭茲謂不時蟲會莖變惡生  
孽蟲會心易林上政搖擾蟲螟並起害我嘉穀季歲无稷  
又云苛政日作螟會華葉割下啖上民被其賊秋無所得  
漢書五行志棄正作淫茲謂惑厥風溫螟蟲起又云嚴公

六年秋螟董仲舒劉向以為先是衛侯朔出奔齊齊侯會諸侯納胡許諸侯賂齊人歸衛寶魯受之貪利應也漢郎中審忠上疏曰州牧郡守承順風旨辟召選舉賢取愚故蟲蝗為之生夷寇為之起論衡順鼓篇月令之家蟲會穀稼取蟲所類類象之吏咎擊膠辱以滅其變商蟲篇變復之家謂蟲會穀者部吏所致也貪則侵漁故蟲會穀身黑頭赤則謂武官頭黑身赤則謂文官使加罰於蟲所象類之吏則蟲滅息不復見矣後漢書明帝紀政失於上人受其咎有司其勉順時氣勸督農桑去其螟蟻以及蝻賊晉書五行志永寧元年七月梁益涼三州螟是時齊罔執政貪苛之應也新唐書狄仁傑傳政不行則害氣作害氣作則蟲螟生埤雅靈芝朱草秬秠之鍾其美與螟蟻之鍾其惡雖不同其繫王者之政一也淮南子曰枉法令即多蟲螟其以此乎馥案京房災異對君賢臣職五穀豐滋馬援為武陵太守飛螟赴海後漢書魯恭傳建初七年郡國螟傷稼犬身緣界不入中牟濟北先賢傳弘農有螟蟲太守請以身禱雨下滂沱此皆德政之應也 又 螟蛉者張次立本無此文蛉當為蠕蠕桑蟲也

**蟲會苗葉者吏乞貸則生蟻從虫從貸貸亦聲詩曰**


**去其螟蟻** 徒得切

埤雅引作蟻 詩釋文騰說文作蟻 左傳正義引爾雅作蟻 五經文字蟻音特 唐公房碑去其螟蟻 孫叔敖碑野無蟻 儀彙釋云以儀為蟻 王氏字說蟻會苗葉無傷於實若蟻可資也 玉篇蟻為蟻 大戴禮萬變不亂貸之則喪荀子作資亦論作貳諸書資多通作貸 孟子又稱貸而益之當為資月令無或差貸 呂氏春秋作貳 貳與資古字通易四時不貳 京房作資 書衍 貳 史記作資 張表碑作糾剔 荷 怨 隸釋云 怨 卽 貳 字 或借為資字 凡從朕者變為代 騰或作黛是也 騰 又 因 蟻 而 變

蟲會苗葉者爾雅釋文引作蟲會草葉者案本書蟲亦云蟲會草根者廣韻蟻倉禾葉蟲釋蟲會葉蟻釋文作貳云字又作蟻廣韻貳倉禾葉蟲蟻上同方言蟻宋魏之閒謂之蜚南楚之外謂之蟻或謂之蟻或謂之騰郭注蟻卽蝗也蜚音代蟻音近詐亦呼吒馥案蜚貸當為貳資蟻蟻卽蚱蜢廣雅蟻蟻蜚也蜚亦當為貳字或作騰商子螟騰春生秋死而民失倉 呂氏春秋仲夏紀百騰時起注云百騰動股之屬也騰讀近殆兗州人謂蝗為騰不屈篇









毛蠱也從虫叅聲 乎感切

毛蠱也者釋蟲文郭注即載廣韻蛸有毛之蟲字或作蛤類篇蛤毒蟲名集韻蛤本作蛸馥案此蟲螫人即腐腫故曰毒




蟻也從虫喬聲 居天切

蟲也者李善注七發同玉篇蟻毒蟲也蕭該漢書音義引呂靖韻集蟻毒蟲也鄭公孫蠱字子蟻



毛蟲也從虫我聲 干志切


毛蟲也者廣韻載毛蟲有毒通志載蟲曰蛸其毛能螫人故爾雅曰蛸毛蟲楚詞九思載綠兮我衣洪注云說文載毛蟲有毒螫人郭璞洞林周稚琰封蠶蛾載蟲使璞射之璞曰射覆得此大落度必是蠶蛾及毛蠱陶隱居注本草云帖斯蛸蟲也蛸亦作載蔥實條下唐本注云胡蔥主惡載等毒爾雅釋文引有讀若筭三字御覽引同



蠱也從虫圭聲 身蝸切


史記律書北至於奎奎者主毒螫殺萬物也徐廣曰奎一作毒

蠱也者一切經音義七引同



毒也從虫氏聲 巨支切

毒也者一切經音義七引同



毒蟲也象形 丑芥切

或作蠱春秋考異郵土勝水故守宮倉蠱宋均曰守宮生於土蠱藏物屬於坎坎水也魏志華佗傳彭城夫人夜之廁蠱螫其手稽含遇蠱賦序諺云過滿百為蠱所螫斯言信哉唐景龍文館計土巳日上賜侍臣柳巷各一云帶之免蠱毒

毒蟲也者一切經音義十八同又十六引字林蠱行毒蟲也廣雅蠱蠍也通俗文云長尾為蠱短尾為蠍億二十二二年左傳蠱蠱有毒正義云說文云蠱飛蟲螫人者也蠱毒蟲也通俗文云蠱長尾謂之蠍蠍毒傷人曰蠍張列反字或作蜚昭四年傳已為蠱尾注云謂子產重賦毒害百姓楚詞九思下堂兮見蠱注云蠱土蠱也有螫毒馥案玉篇

作土蝨論衡言毒篇天地之間萬物之性含血之蟲有蝮蛇蜂蠆咸懷毒螫孝經援神契蜂蠆垂芒為其毒在後齊公孫蠆字子尾一切經音義二蠆毒蟲尾有刺也詩都人士卷髮如蠆箋云蠆螫蟲也尾末捷然莊子天運篇其知憐於厲蠆之尾釋文云或云依字上當作蠆下當作蠆

**蠆**

蠆或從虫

詩都人士箋云或名蠆製或名蠆也馥案製廣雅作蠆 漢李翊夫人碑飛蠆蠆兮害仁良

**蝮**

蝮齋也從虫酉聲 字秋切

蝮齋也者玉篇蝮齋蝮木中蟲也詩頤人頷如蝮蝮傳云蝮蝮蝮也陳啟源曰蝮蝮非蝮蝮也蝮蝮一名蝮爾雅蝮蝮是也身長足短生腐木中穿木如錐至春雨後化為天牛蝮蝮一名蝮爾雅蝮蝮是也生糞土中以背行身短足長如足大指從夏入秋又化為蟬郭氏注爾雅已分為二物陶貞白與蘇恭以為一蟲誤也陳藏器拾遺辨之當矣

**齋**

齋蠆也從虫齊聲 徂兮切

列子天瑞篇鳥足之根為齋蝮 淮南萬畢術黍成齋蝮祖台志怪盛仲母失明婢取齋蝮烝食之母甚以為美問之婢服曰實是齋蝮 母目豁然立開

齋蠆也者釋蟲齋蝮郭注在糞土中孫炎云謂之齋蝮本草齋蝮一名齋蝮一名聖齊一名教齊生河內平澤及人家積糞草中反行者夏陶隱居云大者如足大指以背行乃駛於脚稽聖賦齋蝮行以其背博物志齋蝮以背行之卷蠆或謂之蠆穀梁益之間謂之蝮或謂之蝮或謂之蝮秦晉之間謂之蠆或謂之天蝮四方異語而通者也注云案爾雅云穀天蝮謂蝮蝮耳而方言以為蝮未詳其義也

**蠆**

蠆齋也從虫曷聲 胡葛切

本書邊讀若桑蟲之蝮 玉篇蝮桑中蠆蠆也 陳藏器本草拾遺木蠆一如蝮蝮節長足短生腐木中穿木如錐刀至兌文解字彙登 卷四十二 五 連筠籒叢書

春羽化一名蝎爾雅云蝎蛭蛭注云木蠹也 晉語雖蝎諧

焉避之韋注蝎木蟲也諧從中起如蝎倉木木不能避也

史記蔡澤傳先生蝎鼻巨肩索隱蝎鼻謂鼻如蝎蟲也 新

語資執篇梗柎豫章天下之名木精捍直理密緻博通蟲蝎

不能穿水溼不能傷 孔臧與子琳書蝎蟲至弱木為之弊

論衡商蟲篇柱有蠹桑有蝎 曹植藉田論封人有能以

輕鑿修鉤去樹之蝎者樹得以繁茂 劉氏新論防慾篇身

之有慾如樹之有蝎樹抱蝎則還自鑿身抱慾而反自害故

蝎盛則木折 慾熾則身凶

蝎齋也者釋蟲蝎 齊蝎郭注在木中

𧈧也從虫弘聲 巨良切

𧈧也者釋蟲文通志強牛蠃蠅類噉牛馬血釋蟲強醜

拊郭注以脚自摩拊釋文引李巡孫炎云以口拊其翅

𧈧籀文強從虫彊

𧈧也從虫斤聲 巨衣切

強也者類篇引 同又云蓋蠅類

葵中蠶也者廣韻引作葵中蟲也詩釋文引作桑中蟲也

玉篇蜀桑蟲也楚詞九思蠋入兮我懷韓非內儲說蠶似

蛇蠶似蠋人見蛇則驚駭見蠋則毛起然而婦人拾蠶漁



葵中蠶也從虫上四象蜀頭形中象其身娟娟詩曰

娟娟者蜀 市玉切

葵中蠶也者廣韻引作葵中蟲也詩釋文引作桑中蟲也

玉篇蜀桑蟲也楚詞九思蠋入兮我懷韓非內儲說蠶似

蛇蠶似蠋人見蛇則驚駭見蠋則毛起然而婦人拾蠶漁

者握蠶利之所在則忘其所惡皆為孟賁淮南說林訓蠶

之與蠶狀相類而愛憎異戴侗曰蜀似蠶色多青墳首睥

日葵蠶胡麻躑鴟多產之莊子庚桑楚奔蜂不能化蠶蠶

釋文引司馬彪云蠶蠶豆蠶中小青蟲也廣志蠶蠶有五

蝟蝟貌桑蟲也詩詁蜀本從虫又加虫俗字也爾雅翼葵中蟲亦食於藿似蠶不會桑詩云桑野者葵藿之下亦桑野之地也



馬蠶也從虫四益聲象形明堂月令曰腐草為蠶

古玄切

馬蠶也者釋蟲蝦馬蠶郭云馬蠶的俗呼馬蠶釋文蚘音均馬蠶字林云蠶馬馥案所引字林馬下脫一字當是蚘蠶蠶蚘等字玉篇蠶馬蚘也廣雅馬蠶蠶蚘也又云蚘蠶馬蠶也方言馬蚘北燕謂之蛆蠶其大者謂之馬蚘本草馬蚘形如蚯蚓紫黑色觸之即倒臥如環故又名刀環本草又云馬陸一名百足一名馬軸生玄菟川谷唐本注云此蟲大如細筆管長三四寸斑色一如蚘蠶襄陽人名為馬蚘亦呼馬軸亦名刀環蟲以其大側臥狀如刀環也通志馬陸似蜈蚣而小尤多脚不能毒人口百足曰馬軸所謂百足之蟲至死不僵者此也莊子秋水篇夔夔蚘蚘憐蛇釋文引司馬彪云蚘馬蚘蟲也夔一足蚘多足蛇無足莊子又云是猶使蚘負山商蚘馳河也釋文司馬云

商蚘蟲名北燕謂之馬蚘淮南兵畧訓故良將之卒若蚘之足注云蚘馬蠶也博物志馬蚘一名百足中斷則首尾異行而去家語六本篇馬蚘斬足而復行何也以其輔之者衆魯仲連子諺云百足之蟲三斷不蠲持之者衆也文子上德篇若蚘之足衆而不相害淮南汜論訓蚘足衆而走不若蛇從虫四益聲象形者韻會從虫益聲象形明堂月令曰腐草為蠶者爾雅釋文引同御覽馬蚘下引明堂月令呂氏春秋夏季紀腐草化為蠶蚘高注蚘馬蚘也蚘讀如蹊徑之蹊幽州謂之秦渠一日螢火也淮南時則訓季夏之月腐草為蚘注云蚘馬蚘一日螢火蚘音谿又注汜論訓云馬蚘一名螢火廣韻蚘古奚切螢火本草綱目螢有三種一種能飛有光乃茅根所化呂氏月令腐草為螢是也一種長如蠶尾後有光無翼乃竹根所化亦名蠶明堂月令腐草為蠶是也一種水螢居水中楊慎曰螢火有二種有草螢有水螢梁蕭和賦云聊披書以娛性悅草螢之夜翔此草螢也唐李子卿水螢賦云彼何為而化草此何事而居泉腹可自持故無耿於蟹足能自運亦自鄰於蚘此水螢也馥於雲南見草蠶亦有三種小者身圓長半寸色黃大理有之中者身扁長寸許色黑順寧有之大者如蠶長寸半色白永昌有之其光竝在尾而

不似馬繩之多足

**蠶** 齧牛蟲也從虫昆聲 邊兮切

齧牛蟲也者字林同戴侗曰扁蠶著牛馬倉其血者也產薦葶之間者差小嗜人膚俗謂薦蠶亦曰芟蠶也玉篇蠶牛蝨也本草牛蝨一名牛蠶一切經音義十牛蝨也本馬雞狗皆有蝨也通俗文狗蝨曰蠶七今牛馬雞狗皆有蝨也

**蠶** 尺蠖屈申蟲也從虫舊聲 烏郭切

一切經音義九蠶桑蟲也 纂文吳人以步屈名桑闔一名蠶 廣雅尺蠖蟻蠹也 方言蟻蠹謂之蜈蠶郭注又呼步屈御覽引郭注去尺蠖又呼步屈其色青而細小或在草木葉上今蠶蠹所負以為子者 釋蠶蠶尺蠖郭注今蠶蠹一切經音義九引郭注蠶蠹也一名步屈又引舍人曰宋地曰尋桑也 說苑夫尺蠖倉黃則其身黃倉蒼則其身蒼文選七命尺蠖動而成響 尺蠖屈申蟲也者爾雅翼尺蠖狀如蠶而絕小行則促其腰使首尾相就乃能進步屈中有伸故曰屈申如人以手

度物移後指就前指之狀古所謂布指知尺者故謂之尺蠖漢書律歷志尺者量也則蠶亦自有尺之義矣易繫辭尺蠖之屈以求信也曹植長歌行尺蠖屈伸體道窮達郭璞爾雅圖蠶嗟茲尺蠖體此屈伸鮑昭賦智哉尺蠖觀機而作申非向厚詘非今薄傳奕潛通賦尺蠖屈體以求信或作斥考工記弓人廋筋斥蠶濁注云斥蠶屈蟲也

**蠶** 復陶也劉歆說蠶蚘蚘子董仲舒說蝗子也從虫象

聲與專切

復陶也者釋蟲文彼作蠶陶李巡云蠶陶一名蠶國語蟲舍蚘蠶韋注蠶復陶也可會北堂書鈔引博物志閩越江北山閒蠻夷噉邱蠶脯 劉歆說蠶蚘蚘子者韻會云劉

歆以蠶為蚘蚘之有翼者倉穀為災黑青也祭統陸產之醢注云蚘蚘之屬說苑說叢篇蠶蚘蚘子者董仲舒說

蝗子也者李巡說爾雅云蠶蝗子也郭注蝗子未有翅者漢書五行志董仲舒劉向以為蠶螟始生春秋宣十五年

冬蠶生注云蠶子以冬生遇寒而死故不成蠶何休云蠶即蠶也始生曰蠶大曰蠶尚書大傳時則有介蠶之變注

云蠶蠶蚘蚘之類蟲生於火而藏於秋者也漢書楚元王



一詩蓼莪漢碑作儀是也蛾蟻古今字聲隨時變蟻音魚綺切古讀義與我近史記正義蟻音豸直起反此後世之轉音也本書無蟻字其作蟻者一切經音義七蟻一名蚍蜉爾雅釋文引字林北燕人謂蚍蜉曰蟻蟻博物志蟻知將兩廣志有飛蟻有木蟻古曰元駒者也古今注河內人名蟻曰元駒楚詞惜誓為螻蟻之所裁注云蟻蚍蜉也檀弓蟻結於四隅

**蚍蜉**也從虫登聲魚綺切

蚍蜉也者本書蠶蚍蜉大蟻也囊蚍囊也廣雅蛾蚍玄蚍蚍蟻蟻蚍也釋蟲蚍蜉小者蟻郭注齊人呼蟻為蚍夏小正十有二月玄駒賁傳去玄駒也者蟻也楚詞招魂赤蟻若象王注蟻蚍蜉也小者為蟻大者為蚍蜉也漢書司馬遷傳與螻蟻何異顏注蟻蚍蜉也馥案今齊人呼蟻為蟻蚍

**蟻子**也從虫氏聲周禮有蚍醢讀若祁直尼切

蟻子也者釋蟲蚍蜉大蟻小者蟻其子蚍郭注蚍蟻卵內則蚍醢注云蚍蚍蜉子也祭統陸產之醢鄭注蚍蟻之屬

周禮鼈人祭祀共廡贏蚍注云蚍蚍子夏小正二月抵蚍傳云蚍蟻卵也為祭醢也魯語蟲舍蚍蟻韋注蚍蟻子也可以為醢西京賦蚍蟻盡取五臣云蚍蟻子周禮有蚍醢者天官醢人饋食之豆有蜃蚍醢注云蚍蚍子讀若祁者郭注方言建平人呼蚍音侈

**籀文蚍從虺**

**古文蚍從辰土**

**自蟻也從虫樊聲**附袁切

自蟻也者釋蟲自蟻蟻郭注引詩趨趨自蟻草蟲負蟻郭注引詩嚶嚶草蟲又云謂常羊也詩草蟲傳云自蟻蟻也陸疏今人謂蝗子為蟻子兗州人謂之騰馥案李巡曰蟻蝗子也詩草蟲傳云常羊也陸疏小大長短如蝗也奇音青色好在茅草中馥案徐鍇韻譜蟻自蟻玉篇蟻自蟻也即蚣蟻諸書皆作自蟻疑本書自蟻為自蟻之譌

**帥**也從虫帥聲所律切

悉蠱也者悉當為係本書係聲也讀若肩馥謂此蠱切切作馨切切即肩屑也或作蠱集韻蠱蠱名促織也釋蟲蟋蟀蓋郭云今促織也亦名青蛩釋文蟀本或作蠱說文同古今注蟋蟀一名吟蛩秋初生得寒則鳴噪濟南謂為懶婦又云促織謂鳴聲如急織也促織一名促機漢書王衰傳蟋蟀埃秋吟顏注蟋蟀今之促織劉芳毛詩義笈謂蟋蟀今促織也一名蟋蟀楚謂之蟋蟀或謂之蜚南楚謂之王孫謝惠連擣衣詩肅肅莎雞羽李善注云毛詩曰六月莎雞振羽一名促織一名絡緯一名蟋蟀月令季夏之月蟋蟀居壁蔡邕章句蟋蟀名斯螽莎雞之類世謂之蜻蛉周書時訓解小暑之日溫風至又五日蟋蟀居辟蟋蟀不居辟急迫之暴春秋元命苞孟秋趣織鳴注云趣織蟋蟀也春秋考異郵立秋趣織鳴宋均曰趣織蟋蟀也立秋女工急故趣之呂氏春秋季夏紀蟋蟀居宇高注蟋蟀蜻蛉爾雅謂之蜚陰氣應故居宇鳴似促織易通卦驗蟋蟀之蟲隨陰迎陽居壁向外趣婦女織績女工之象今失節不居壁女工不成有淫佚之行因夜為姦故為門戶夜開詩唐風蟋蟀在堂傳云蟋蟀蜚也九月在堂陸疏蟋蟀似蝗而小正黑有光澤如漆有角翅一名蜚一名蜻蛉楚人謂之王孫幽州人謂之趣織里語曰趨織鳴懶婦驚是

也馥案陸說乃居野者其居塵者小而不正黑無光澤

**蛩**

馬蛩也從虫面聲武延切

馬蛩也者釋蟲文郭注蛩中最大者為馬蟬方言蟬其大者謂之螿或謂之蛩馬郭注云爾雅蛩者馬蛩非別名蛩馬也方言誤耳馥案玉篇蛩與蛩同本書蛩次於蛩蟬諸字下以類相從而蛩獨廁於此疑後人亂之蛩當為蛩之

**當**

當蠶不過也從虫當聲都郎切

當蠶不過也者釋蟲不過蠶蠶郭注蠶蠶蛩蛩別名

**蟻**

蟻蠶也從虫襲聲汝羊切

**蟻**

堂蟻也從虫良聲一名斬父魯當切

楚詞九思邑多兮蟻蟻易通卦驗夏至蟻蟻生蟻蟻搏蟻之蟲乘寒而殺物自隱蔽而有所害捕搏之象也月令章句之解字義登卷四十二

句螳螂蟲名會蟬殺蟲 周書時訓解苾種之日螳螂生注云螳螂一  
蝦不生是謂陰息 呂氏春秋仲夏紀螳螂生注云螳螂一  
日天馬一曰齧疣兗州謂之拒斧也 戴君震日月令仲夏  
之月螳螂生鄭注云螳螂蟬母也歐陽詢藝文類聚云王  
瓚問曰爾雅云莫谿螳螂同類物也今沛魯以南謂之螳  
三河之域謂之蟬蟻燕趙之際謂之會朧齊濟以東謂之馬  
敷然名其子則同云蟬蟬是以注云螳螂蟬母也此所引  
蓋鄭志文唐時猶存而孔穎達正義於月令引方言云潭魯  
以南謂之蟬蟻三河之域謂之螳螂燕趙之際謂之會朧齊  
杞以東謂之馬穀然名其子同云蟬蟬也所引亦即鄭志當  
是不知者妄改為方言潭即沛之訛馬穀爾雅疏作馬谷馥  
案朧朧並當為朧 淮南人閒訓齊莊公出獵有一蟲舉足  
將搏其輪問其御曰此何蟲也對曰此所謂螳螂者也其為  
蟲也知進而不知卻不量力而輕敵莊公曰此為人所必為  
天下勇武矣迴車而避之 郭璞贊螳螂氣蟲揮斧奮臂當  
轍不迴句踐是避勇士致成勵之以義馥案句踐式怒蛙未  
間避螳螂郭氏或別有據 成公綏螳螂賦冠角峩峩足翅  
岐岐尋喬木而上綴從蔓草而下垂戢翼鷹時延頸鳴望推  
翳徐翹舉斧高抗鳥伏地騰鵠擊隼放俯飛蟬而奮  
猛臨螳蛄而逞壯距車輪而軒翥固齊侯之所尚

堂蝦也者廣雅羊羊齧朧螳螂也爾雅釋蟲莫貌螳螂蟬  
郭注螳螂有斧蟲江東呼為石蝦孫叔然以方言說此義  
亦不了馥案方言螳螂謂之髦或謂之蚪或謂之蚌蚌郭  
注有斧蟲也江東呼為石蝦又名齧朧案爾雅螳螂蚌蚌  
義自應下屬方言依此說失其指也馥案釋蟲螳螂蚌蚌下  
云蚪螳負勞方言以蚪為螳螂孫叔然據以說爾雅是楊  
孫皆不以蚪螳連讀也方言之髦當為髦即爾雅之蚌也  
朧當為朧 一名斬父者御覽螳螂不過也一名螳蟻一  
名斬父廣韻蟬  
蝦螳螂別名



蟲蛸堂蝦子從虫肖聲 相邀切

蟲蛸堂蝦子者字或作蟬釋蟲不過螳蟻其子蟬蛸郭注  
一名螳蟬螳蟬卵也又作蟬蛸廣雅蟬鳥洩冒焦蟬蛸  
也月令螳蟬生注云螳蟬蟬母也本草桑蟬蛸一名蝮  
朧生桑枝上螳蟬子也陶云俗呼螳蟬為蛸蟬逢樹便產  
以桑上者為好蜀本圖經云此物多在小桑樹上叢荆棘  
閒並螳蟬卵也三月四月中一枝出小螳蟬數百枚范子  
計然螳蟬出三  
輔上價三百

𧈧

蟪蝗以翼鳴者從虫并聲

薄經切

蟪蝗者蝗當為蟪集韻引作蟪釋蟲蚘蟪蟪郭注甲蟲也大如虎豆綠色今江東呼黃蟪以翼鳴者考工記梓人以翼鳴者注云翼鳴發皇屬馥案發皇蟪蟪蚘蟪一物也郭謂江東呼黃蟪則是蚘名黃蟪矣玉篇蚘蟪蟪也並

與本書異

𧈩

蟪蟪也從虫番聲

余律切

𧈪

蟪蟪也從虫黃聲

平光切

𧈫

姑蟪強蟪也從虫施聲

式支切

姑蟪強羊也者釋蟲文彼作姑郭注今米穀中蠹小黑蟲是也建平人呼為蟪子釋文蟪郭音半仄婢反本或作半說文作半字林作蟪弋文反云搔蟪也御覽引郭注作半子音米趙宦光長箋引本書作半音縣婢切集韻六書故張次立本竝同滋陽范氏有舊刻李燾本作強半姑小字本作姑張次立本類篇六書故竝同方言姑蟪謂之強蟪

注云米中小黑甲蟲也江東謂之蜚建平人呼蟪子音半半即姓也

𧈬

姑斯墨也從虫占聲

職廉切

姑斯墨也者釋蟲蠹姑斯郭注載屬也今青州人呼載為姑蠹本草別錄雀養生樹枝間姑蠹房也陶云姑蠹蟪蟲也其背毛螫人生卵形如雞子大如巴豆陳藏器云蟪蟲好在果樹上大小如蠶身面背上有五色斑文毛有毒能螫人欲老者口吐白汁凝聚如雀卵其蟲以養為繭在中成蛹夏月羽化而蛾生於葉間如蠶子

𧈭

緜女也從虫見聲

胡典切


緜女也者釋蟲文孫炎云小黑蟲赤頭三輔謂之緜女此蟲多自緜成御覽引異苑緜女蟲也一名蜺長寸許頭赤身黑恆吐絲自懸

𧈮

盧蜚也從虫肥聲


符非切

盧蜚也者釋蟲蜚蟪蜚郭注蜚即負盤臭蟲隱元年左傳正義引舍人李巡皆曰蜚蟪一名蜚廣雅蜚蟪蜚也



渠蝓一曰天社從虫卻聲 其虐切

渠蝓者集韻引作渠蝓蝦御覽引作蛻蝦廣韻蝓天神蟲類篇蝓蟲名矢甲也馥謂矢甲當為天申玉篇蝓與蛻同蛻蝦啖糞蟲也廣韻蝓弋雀切又邱良切釋蟲蛻蛻蝓郭注黑甲蟲噉糞土古今注蛻蝓能以土苞糞推轉成丸圓正無斜角莊周曰蛻蝓之智在於轉丸 一曰天社者集韻引同廣雅天社蛻蝓也御覽誤作天柱



蟪蝓蒲盧細要土蠶也天地之性細要純雄無子詩

曰螟蟪有子蟪蝓負之從虫隔聲 古火切

蟪蝓蒲盧者釋蟲文蟪彼作果郭注即細腰蠶也俗呼為蟪蝓韓偓詩案頭筠管長蒲盧 細要土蠶也者廣雅土蜂蟪蝓也方言蠶燕趙之間謂之蟪蝓其小者謂之蟪蝓郭注小細腰蠶也爾雅釋文云案今俗呼細腰小蠶為蟪蝓在物中作房用土為隔是也 天地之性細要純雄無子者續古今注蜂蝶之類無雌列子天瑞篇純雄其名稱蜂注云司馬彪云稚蜂細要者取桑蟲祝之使似己子也莊子天運篇細要者化釋文云細要蜂之屬也司馬云取

桑蟲祝使似己也淮南原道訓蚊蟻貞蟲高云貞蟲細要之屬地形訓凡人民禽獸萬物貞蟲各有以生注云貞蟲諸細要之屬博物志細要無雌蜂類也取桑蠶阜蠶子呪而成子搜神記土蜂名曰螟蝓細腰之類也其為物純雄而無雌不交不產常取桑蟲之子而育之則皆成己子焉林朝儀蟲異賦注蒲盧似蜂而細腰純雄無子取桑蟲呪之久則肖之矣爾雅翼天地之性細腰純雄大腰純雌純雄謂蜂純雌謂龜鼈之屬也列子亦曰純雌其名大腰純雌其名梉蜂言無雌雄而自化故淮南子以蜂之類為貞蟲言其無欲也郭注爾雅尺蠖又呼布屈其色青而細小或在草葉上今螟蝓所負以為子者 詩曰螟蟪有子蟪蝓負之者小雅小宛文蟪彼作蛤蟪彼作螟傳云螟蛉桑蟲也螟蝓蒲盧也箋云蒲盧取桑蟲之子負持而去煦嫗養之以成其子陸璣疏云螟蛉者桑上小青蟲也似步屈其色青而細小或在草葉上螟蝓土蜂也似蜂而小腰取桑蟲負之於木空中七日而化為其子中庸夫政也者蒲盧也鄭注蒲盧螟蝓謂土蜂也詩曰螟蛉有子螟蝓負之螟蛉桑蟲也蒲盧取桑蟲之子去而變化之以成為己子猶蒲盧也待化以成注云蒲盧螟蝓也謂土蜂也取螟蛉

而化之以爲子太元親次三螟蛉不屬螺贏取之法言學  
 行篇螟蛉之子殫而逢螺贏祝之曰類我類我久則肖之  
 矣本草蠟蠅一名土蜂生熊耳川谷及牂牁或人屋間陶  
 云此類甚多雖名土蜂不就土中爲窟謂捷土作房爾今  
 一種黑色腰甚細銜泥於人室及器物邊作房如併竹管  
 者是也其生子如粟米大置中乃捕取草上青蜘蛛十餘  
 枚滿中仍塞口以擬其子大爲糧也其一種入蘆竹管中  
 者亦取草上青蟲一名螺贏詩人云螟蛉有子螺贏負之  
 言細腰物無雌皆取青蟲教祝便變成己子斯爲謬矣造  
 詩者乃可不詳未審夫子何爲因其僻邪聖人有闕多皆  
 類此圖經云謹按郭璞注爾雅螺贏蒲盧云即細腰蜂也  
 俗呼爲蠟蠅又詩小雅云螟蛉有子螺贏負之注螟蛉桑  
 蟲也螺贏蒲盧也言蒲盧取桑蟲之子負持而去姬養之  
 以成其子又楊雄法言云螟蛉之子殫而逢螺贏祝之曰  
 類我類我注云螺贏遇螟蛉而受化久乃變成蜂余據諸  
 經傳皆言此蜂取他蟲而化爲己子陶隱居乃謂生子如  
 粟米大在其房中乃捕取草蟲以寘其子大爲糧耳又有  
 人壞其房而看之果見有卵如粟粒亦蟲之上皆如陶之  
 說又段成式云書齋中多蠟蠅好作窠於書卷或在筆管  
 中視聲可聽有時開卷視之悉是小蜘蛛大如蠅虎旋以

泥隔之乃知不獨負桑蟲也數說不同人或短之然物類  
 變化固不可度蚱蟬生於轉丸衣魚生於瓜子龜生於蛇  
 蛤生於雀白鴉之相視負蟲之相應其類非一若桑蟲蜘蛛  
 之變爲蜂不爲異矣如陶所說卵如粟者未必非祝蟲  
 而成之也宋齊邱所謂蠟蠅之蟲孕螟蛉之子傳其情交  
 其精混其氣和其神隨物大小俱得其真蠢動無定情萬  
 物無定形斯言得之矣通志諸蟲在蟄尚不食況其形體  
 未定猶在窠中時何得有飢飽也壞其房而見卵與成蟲  
 者是變與未變耳將其故房看之其  
 蟲殼皆如蛻形則非爲物所食明尔

蠟或從果

蠟贏也從虫贏聲一曰虎蠟郎果

一曰虎蠟者本書蠟蠅蠟也爾雅蚱蠟蠟蠟郭注即蝸牛  
 也廣雅蠟蠟蠟牛蠟蠟也易說卦離爲蠟爲蚌土冠禮蠟

醢注云蠟醢蠟蠟醢周禮醢人蠟醢注云  
 蠟蠟蠟蠟人祭祀共蠟蠟注云蠟蠟蠟

蠟蠟桑蟲也從虫需聲郎丁

螟蠕桑蟲也者釋蟲文彼作蛉郭注俗謂之桑蠟亦曰戎女玉篇螟蛉蟲也

蛺蝶也從虫夾聲 兼叶切

西陽雜俎曰蛺蝶尺蠖蠶所化也白帖木蠹生蟲羽化為蝶 陸龜蒙曰橘之蠹大如小指一旦視之弗會弗動明日復往則蛺蝶為蝴蝶矣 搜神記朽葦為葦麥為蝴蝶 列子天瑞篇鳥足之根為蟬蟪其葉為蝴蝶蝴蝶者否也 蛺蝶也者廣雅蛺蝶螻蛄也古今注蛺蝶一曰野蛾一名風蝶江東呼為撻末色白背青者是也其大如蝙蝠者或黑色或青斑名為鳳子一名鳳車一名鬼車生江南柑橘園中莊子齊物論昔者莊周為胡蝶釋文胡蝶司馬崔云蛺蝶也古詩胡蝶胡 高飛暮宿桑樹間

蛺蝶也從虫走聲 徒叶切

蟲也從虫虫聲 赤之切

蟻螫毒蟲也從虫般聲 布還切

蟻螫毒蟲也者陳藏器曰蟻螫蟲有小毒或作蟻螫廣雅蟻螫晏青也又作斑猫本草斑猫有毒一名龍尾生河東川谷陶云甲上黃黑斑色如巴豆大者是也吳氏本草斑猫一名斑蚝一名龍蚝神農辛岐伯鹹桐君有毒扁鵲甘有大毒生河內川谷又作斑茅古今注 毒藥種有五物五曰斑茅戎鹽解之

蟻螫也從虫秋聲 莫交切

古文螫

鼠婦也從虫番聲 附袁切

鼠婦也者釋蟲文彼作負郭注瓮器底蟲御覽引作蟠蟠鼠婦也本書蟠或曰鼠婦通志鼠負食底白粉蟲也

蚘威委黍委黍鼠婦也從虫伊省聲 於脂切

蚘威委黍者釋蟲文彼作蚘郭注舊說鼠婦別名然所未詳詩東山伊威在室傳云伊威委黍也陸璣疏云伊威一名委黍一名鼠婦在壺根下甕底土中生似白魚者是也鼠婦也者廣韻蚘威螻蛄負蟲也本草鼠婦一名負蟠一


名伊威一名委黍陶注  
多在鼠坎中鼠背負之



蜈蚣以股鳴者從虫松聲  
息恭切

蜈蚣者玉篇蜈蚣斯蝨廣韻蜈蚣蝨蝨一切經音義二十  
五今江北通謂蝨蝨之類曰蝨亦曰蝨蝨一名蝨蝨一名  
蜈蚣俗名春黍釋蝨蝨蝨蝨蝨蝨郭注蜈蚣也俗呼春黍釋  
文云蝨本又作蝨蝨案蜈方言作蝨以股鳴者者西陽  
雜俎蜈蚣股鳴考工記注云股鳴蜈蚣動股屬詩七月斯  
蝨動股陸璣疏云蝨蜈蚣也楊雄云春黍也幽州人謂之  
春箕春箕即春黍蝨類也長而青長角長股股鳴者也或  
謂似蝗而小斑黑其股似螞蟥文五月中以兩股相切作  
聲聞數十步御覽引毛詩題綱蝨斯名蜈  
蜈一名春黍似蝗而小青色長股而鳴

蜈或省



蜈蚣也從虫盾聲  
相居切


蜈蚣也者詩釋文蜈一名斯蝨七月詩云斯蝨動股是也  
楊雄許慎皆云春黍蝨案本書當有春黍二字方言春黍

謂之蝨蜈廣雅  
蝨蜈春黍也



蜈也從虫庶聲  
之夜切

蜈也者玉篇蜈鼠婦負蝨也廣韻蜈蜈蝨蝨名廣雅負蝨  
蜈也蝨案本書以蜈為鼠婦蝨為負蝨故此蜈但訓蝨也  
本草廣蝨一名地鼈一名土鼈生河東川澤及沙中人家  
牆壁下土中溼處陶隱居云形扁扁如鼈故名土鼈而有  
甲不能飛小有臭氣今人家亦有之唐本注云此物好生  
鼠壤土中及屋壁下狀似鼠婦而大者寸餘形小似鼈無  
甲但有鱗也周禮赤及氏凡隙屋除其狸蝨注云狸蝨廣  
肌蝨之屬集韻蝨一日蝗類蝨案方言所謂蜈蚣是也本  
書次於蜈蝗之  
閒或主此義



蝗也從虫皇聲  
乎光切

急就篇災蝗不起顏注蟲會苗曰蝗  
蝗蟲為災漢名臣奏張文上疏曰春秋義曰蝗者貪擾之  
氣所生天意若曰貪狠之人蠶食百姓若蝗會禾稼而擾萬  
民宜敕正宥邪清審選舉退屏貪暴後漢書和帝紀京師  
說文解字義登卷四十二  
連筠籒叢書





蚺蚺蛸蛸也者或作伊伊楚詞九思伊伊兮噍噍注云促寒將蟄故噍噍鳴或作蚺蚺陸璣詩疏鳴蛸蛸也楚人名之噍蛸秦謂之蚺蚺玉篇蚺蚺亦噍蛸也

蚺

蚺蚺屬讀若周天子報從虫可聲武延切

蚺蚺屬者廣韻引作蚺蚺玉篇蚺與蚺同

蚺

蚺蚺也從虫削聲良辭切

蚺蚺也者字林蚺蚺蛸蛸也廣雅蚺蚺起織蛸孫蚺蚺也方言蚺蚺楚謂之蛸蛸或謂之蚺南楚之閒謂之蛸孫注云即趨織也梁國呼蚺易通卦驗立秋蚺蚺鳴鄭注蚺蚺蛸蛸之名也此紀其鳴之時也蔡邕月令章句蛸蛸蟲名俗謂之蚺蚺鹽鐵論引月令涼風至殺氣動蚺蚺鳴衣裘成論衡變動篇夏末蚺蚺鳴寒蟄啼感陰氣也楚詞九辨哀蛸蛸之宵征注云見蛸蛸之夜行

蚺

蚺蚺也從虫青聲子盈切

蚺

蚺蚺也從虫令聲一名桑根郎丁切

蚺蚺也者玉篇蚺蚺六足四翼陶注本草蚺蚺一名諸乘俗呼胡蛸一名蚺蚺蜀本注云蚺蚺六足四翼好飛溪渠側衍義云蚺蚺其中一種最大京師名爲馬大頭者是身綠色雌者腰閒一遭碧色此物生化於水中故多飛水上古今注蚺蚺一名蚺亭一名胡蝶色青而大者是也小而黃者名胡黎一曰胡離小而赤者曰赤卒一名絳騶一名赤衣使者好集水上亦名赤弁丈人釋蟲蛸蛸負勞郭云或曰即蚺蚺也江東呼狐黎所未聞廣雅蚺蚺蚺蚺倉螳也方言蚺蚺謂之蚺蚺郭注六足四翼蟲也江東名爲狐黎淮南人呼蚺蚺列子天瑞篇厥昭釋文云曾子云狐黎一名厥昭恆翔繞其本不能離之師說云狐黎蚺蚺蟲也尸子割莊王命養由基射蚺蚺欲生得之養由基射之拂左翼焉楚策王獨不見夫蚺蚺乎六足四翼飛翔乎天地之閒呂氏春秋精論篇海上之人有好蚺蚺者安居海上從蚺游蚺之至者百數而不知前後左右盡蚺也注云蚺蚺小蟲細腰四翅一名白宿淮南說林訓水蠶爲螻注云水蠶化爲螻螻青蚺也又齊俗訓水蠶爲螻注云青蚺也馥案螻即螻之譌玉篇螻蚺蚺也一曰桑根者李

燾本無此文集韻引作桑根爾雅釋文引字林蜻蛉一名桑根六書故引同

**蟻** 蟻也從虫蒙聲 莫孔切

蟻蠓也者本書無蟻字廣韻蟻蠓似蚊釋蟲蠓蠓蟻蠓郭注云小蟲似蚋喜亂飛一切經音義八引郭注云小蟲似蚋風春兩磴者也文選甘泉賦注引孫炎云蟻蠓蟲小於蚊列子湯問篇春夏之月有蠓蚋者因雨而生見陽而灰注云謂蟻蠓蚊蚋也二者小飛蟲也古文苑小言賦附蟻蠓而遨遊注云蟻蠓飛蟲形微於蚋抱扑子蠓蚋之育於醯雞或作蔑蒙漢書司馬相如傳蔑蒙踊躍或謂之蜚鴻史記周本紀蜚鴻滿野索隱按高誘曰蜚鴻蟻蠓也言飛蟲蔽田滿野故為災非是鴻雁也

**蝻** 蝻也一曰蝻朝生莫灰者從虫京聲 离灼切

蝻蠓也者即渠畧 一曰蝻朝生莫灰者者蝻小字本作游玉篇蝻蝻渠蠓朝生夕灰也廣韻亦作蝻蝻五音集韻作蝻蝻方言蝻蝻秦晉之間謂之蝻蝻注云似天牛而小有甲角出糞土中朝生夕灰釋蟲蝻蝻渠畧郭云似蝻

身狹而長有角黃黑色叢生糞土中朝生暮灰猪好啖之詩曹風蝻蝻之羽傳云蝻蝻渠畧也朝生夕灰陸璣疏云蝻蝻方土語也通謂之渠畧似甲蟲有角大如指長三四寸甲下有翅能飛夏月陰雨時地中出今人燒炙噉之美如蟬也樊光謂之糞中蝻蝻隨陰雨時為之朝生而夕灰夏小正五月蝻蝻有殷傳云蝻蝻者渠畧也朝生而暮灰荀子大畧篇不飲不食者蝻蝻也注云蝻蝻渠畧朝生夕灰蟲也淮南說林訓蝻蝻不食不飲三日而灰詮言訓蝻蝻不過三日高注蝻蝻渠畧也生三日而灰漢書王褒傳蝻蝻出以陰孟康曰蝻蝻渠畧也顏注蝻蝻甲蟲也好叢聚而生也朝生而夕灰蝻音由字亦作蝻其音同也廣志蝻蝻可燒啖美於蟬蝻蝻在水申翕然生覆水上尋灰隨流傳咸蝻蝻賦有生之捕是日蝻蝻育微微之陋質美采采而自修不識晦朔無意春秋取足一日尚又何求戲淳淹而委餘何必

**蚋** 秦晉謂之蚋楚謂之蚊從虫芮聲 而銳切

秦晉謂之蚋楚謂之蚊者一切經音義三引作秦人謂之蚋楚人謂之蚊後漢書崔駰傳蟲蚋之趣大沛注云蚋小

蟲蚊之類說文曰秦謂之蚋楚謂之蚊通俗文小蚊曰蚋  
 華嚴經音義引字林蚋小蚊也鷓冠子天權篇一蚋嗜膚  
 不寐至且孟子蠅蚋姑嘬之或作蚋漢書枚乘傳譬猶蠅  
 蚋之附羣牛顏注蚋蚊屬也夏小正八月丹鳥羞白鳥丹  
 鳥也者謂丹良也白鳥也者謂蚊蚋也馥案皇侃說丹良  
 螢火古今注螢食蚊蚋荀子勸學篇醯酸而蚋聚焉論衡  
 商蟲篇天將雨蠅出蚋蜚為與  
 氣相應也馥案此所言蚋謂蠅

**蠅**

蠅蚋長股者從虫肅聲

蘇彫切

謂之長蚊釋蟲蠅蚋長崎郭注小籠菴長脚者俗呼為喜  
 子西京雜記蜘蛛集而百事喜曹植曰得蟻者莫不馴而  
 放之為利人也劉氏新論鄙名篇今野人晝見蟻子者以  
 為有喜樂之端胡震亨曰權德輿詩昨夜裙帶解今朝蟻  
 子飛鉛華不可棄莫是稟砧歸鞞翎詩少婦北來多遠望  
 應知蟻子上衣巾俗說蟻子緣人衣有喜事其來益遠詩  
 東山蠅蚋在戶傳云蠅蚋長崎也陸機疏云蠅蚋長崎一  
 名長脚荆州河內人謂之喜母此蟲來著人衣當有親客  
 至有喜也幽州人謂之親客亦如蜘蛛為羅網居之肅

聲者詩釋文蠅音肅說文作蠅音夙

**蟻**

蟻也從虫省聲

息正切

去也者類篇蟻蟲名似蟬

**蟻**

商何也從虫守聲

力輟切

商何也者釋蟲文彼作蟻釋文蟻失羊反字林之亦反何  
 本或作蚋音河馥案集韻蟻音隻引字林蟲名蟻尸羊切  
 引爾雅蚋蟻何一日蚋蟻類廣韻蚋蚋蟻玉篇蚋  
 蚋蟻蚋蟻馥謂當依字林作蟻本書無蟻字蓋脫

**蟻**

蠅胆也周禮蟻氏掌除𧈧從虫谷聲

鍾駕切

蠅胆也者李燾本蟻蟲名也一日年終祭名馥案此宋人  
 重修所改周禮蟻氏掌除𧈧者秋官蟻氏注云蟻骨肉  
 腐臭蠅蟲所蟻也  
 蟻讀如狙司之狙

**蟻**

動也從虫奐聲

而沈切


動也者後漢書馬融傳注引同廣雅螻動也字或作蠕荀子勸學篇蠕而動注云蠕微動也韓詩外傳蝱飛蠕動各樂其性新語道基篇蝱飛蠕動之類論衡齊世篇蝱蜚蠕動跛行喙息漢書匈奴傳蠕動之類顏注蠕蠕動貌杜佑曰柔然後魏大武以其無知狀類於蟲故改其號曰蠕蠕



行也從虫支聲 巨支切

行也者李善注琴賦引云蚊行也凡生之類行皆曰蚊又注七發七命洞簫賦所引並同是本書原有凡生之類行皆曰蚊入字一切經音義入蚊謂蟲行貌也玉篇蚊行喙息麕鹿之類八十一難經諸蚊行喘息淮南原道訓澤及蚊蟻而不求報高注蚊蚊行修務訓蚊行燒動之蟲俶真訓夫與蚊蟻同乘天機高注蚊行燒動論微細也成公綏天地賦蚊行蠕動方聚類分馥案樂記方以類聚注云方謂行蟲有識性故稱方漢嚴訢碑蚊行蠕動咸守厥常通作跋周書周祝解跋動噦息新語道基篇跋行喘息漢書匈奴傳跋行喙息顏注跋行凡有足而行者禮樂志跋行畢逮顏注凡有足而行者稱跋行也東方朔傳跋跋脈脈善緣壁顏注跋跋行貌也古文苑篆勢若行若飛跋跋

翻注云跋蟲行也術恆四體書勢蟲跋跋以若動通典江左猶有跋行鼈倉之伎又或作跋文選笙賦翾翾跋跋李善云跋跋飛行貌漢書音義跋跋將行貌



蟲行也從虫叢聲 香沈切

蟲行也者淮南原道訓蠖飛蠕動高注蟲行動貌



蟲曳行也從虫中聲讀若騁 丑善切

蟲曳行也者類篇引作蟲名曳行也玉篇虫蟲伸行廣韻同 中聲者本書唐亦從中聲 讀若騁者本書韃讀若

騁 辰



蠶醜蝱者釋蟲文 蝱蝱也者郭注釋蟲云垂其蝱

孝經援神契蜂蠆垂其蝱注云毒在後故言垂其蝱



蠶醜蝱搖翼從虫扇聲 式戰切

蠅醜蠅者釋蟲文彼作扇 搖翼者廣韻蠅蠅動翅也郭注釋蟲云好搖翅

𧈧

蛇蟬所解皮也從虫稅省 輪芮切

蛇蟬所解皮也者後漢書陽球傳注引作蟬蛇所解皮也一切經音義十九引同又十二引作蟬蛻所解皮也後漢書竇融傳注張衡傳注所引竝同字林蛻蟬皮也廣雅復育蛻也楚詞九懷濟江海兮蟬蛻列子天瑞篇是天地委蛻也注云氣自委結而蟬蛻耳淮南說林訓蟬飲而不會三十日而蛻史記屈原傳蟬蛻於濁穢論衡論灰篇蟬之未蛻也為復育已蛻也去復育之體更為蟬之形夏侯湛東方朔畫贊蟬蛻龍變謝靈運山居賦羨蟬蛻之匪日馥案此皆專屬蟬晉書張華傳武庫有雉雒華曰此必蛇化為雉也開視雉側果有蛇蛻焉吳氏本草蛇蛻一名蛇附一名蛇筋一名弓皮馥案此乃屬蛇淮南精神訓蟬蛻蛇解顏氏家訓夫神滅形消遺聲餘價亦猶蟬殼蛇皮目莊子寓言篇子蠋甲也蛇蛻也馥案此皆蟬蛇竝舉 稅省者當為稅省聲

𧈧

螫也從虫若省聲 呼各切

螫也者字林蠶蟲行毒也或作蝮楚詞天問蠶蟻微命力何固注云言蠶蟻有蝮毒之蟲以喻蠻夷自相毒蝮又或作蠶漢書刑法志百姓新免毒蠶王莽傳毒蠶竝作嚴助傳蝮蛇蠶生崩通傳故猛虎之猶與不加蠶蠶之致蠶顏注蠶毒也

𧈧

蟲中行毒也從虫赦聲 施隻切

蟲中行毒也者小字本無虫字玉篇集韻同一切經音義三螫式亦反字林蟲行毒也關西行此音又音呼各反山東行此音蛆知列反南北通語也詩小苾自求辛螫箋云徒自求辛苦毒螫之害且柔柔寧為荼毒正義毒者螫蟲中山經穀城之山有神焉其狀如人而二首名曰驕蟲是為螫蟲郭注為螫蟲之長老子蜂蠶虺蛇不螫文子野有螫蟲葵藿為之不采鬼谷子權篇螫蟲之動也必以毒螫淮南兵畧訓有毒者螫 赦聲者螫通作赦詩小苾釋文辛螫韓詩作赦鹽鐵論蜂蠶赦人致死不能息其毒也玉篇螫同螫馥案本書赦或從亦

𧈧

虺屬從虫亞聲 烏各切

虺屬者集韻類篇引作跌也張次立本小字本並同釋魚跌蚤郭注蝮屬大眼最有毒今淮南人呼蚤子

𧈧 搔蟬也從虫羊聲 余兩切

搔蟬也者爾雅釋文引字林同玉篇舊刻本作蟬蚤張氏本作蟬搔也一切經音義十二蟬餘掌反說文搔蟬也禮記寒不敢襲蟬不敢搔是也字從虫從羊又卷六蟬今皆作癢近字也又作痒音似羊反病名也痒非字意釋名癢揚也其氣在皮中欲得發揚使人搔發之而揚出也顏真卿麻姑山仙壇記麻姑手似鳥爪蔡經心中念言背蟬時得此爪以杷背乃佳也

𧈩 敗創也從虫人會會亦聲 乘力切

敗創也者本書瘍蝕創洪武正韻日月虧曰蝕韻會蝕今文省作蝕漢書日月薄蝕韋昭曰氣往迫曰薄虧敗曰蝕馥案玉篇蝕日月蝕也論語何晏本如日月之蝕也晉書天文志十輝五曰闇謂日月蝕劉氏新論妄瑕篇日月有蝕蝕之變又通作會易月盈則會春秋日有會之釋名日月虧曰會稍稍侵虧如蟲會草木葉也 從虫人會會亦

蛟 龍之屬也池魚滿三千六百蛟來為之長能率魚飛

置笱水中即蛟去從虫交聲 古肴切

廣雅有鱗曰蛟龍 一切經音義五有鱗曰蛟龍 抱朴子母龍曰蛟子曰蚪其狀魚身而蛇尾 中山經翼望之山賦水出焉東南流注于漢其中多蛟郭注似蛇而四腳小頭細頸頸有白癭大者十數圍即如一二石甕能吞人 呂氏春秋知分篇有兩蛟夾繞其船高注魚滿二千斤為蛟 廣州記新寧郡東溪甚饒蛟及時害人魯於魚梁上得之其長丈餘形廣如楯修頸小頭胸前赭背土青斑脇邊若錦 郭璞贊匪蛇匪龍鱗采暉煥騰躍濤波蜿蜒 江漢漢武飲羽飲飛

龍之屬也者顏注漢書武帝紀引無之字藝文類聚引亦無埤雅蛟龍屬也詹交故謂之蛟述異記曰蛟眉連生海內西經開明南有蛟郭注蛟似蛇四腳龍類也南山經禱過之山浪水出焉其中有虎蛟郭注蛟似蛇四足龍屬楚

詞九歌蛟何為兮水裔王注蛟龍類也九思乘六蛟兮蜿  
蟬注云龍無角曰蛟 池魚滿三千六百蛟來為之長能  
率魚飛者藝文類聚引作魚滿三千六百年蛟為之長率  
魚而飛去御覽引作魚滿三千六百歲西京雜記漢武昆  
明池養魚往往飛去齊民要術陶朱公養魚經云魚池所  
以內鼈者魚滿三百六十則蛟龍為之長而將魚飛去內  
鼈則魚不復去爾雅翼陶朱公養魚之法以六畝地為池  
求懷子鯉魚長三尺者二十頭牡鯉四頭以二月上庚日  
納池中至四月納一神守六月納二神守八月納三神守  
神守謂鼈也所以納鼈者魚及三百六十則蛟龍為之長  
而將魚飛去納  
鼈則魚不復去

若龍而黃北方謂之地螻從虫离聲或云無角曰螻

丑知切

若龍而黃北方謂之地螻者字林同荀子賦篇螻龍為螻  
蜒注云地螻呂氏春秋舉難篇螻食乎清而游乎濁注云  
螻龍之別也後漢書馬融傳逐罔螻注云螻龍屬論衡訂  
鬼篇說螻者謂之龍物也韻案亦有赤色者漢書司馬相

如傳蛟龍赤螻又云驂赤螻青蚪之螻螻蜿字或作麗  
史記齊世家非龍非麗又作宛廣雅無角曰宛龍玉篇宛  
今作

龍子有角者從虫口聲 渠幽切

此即今之虬字隸體口變為匕後漢書蘇章傳莫敢糾問即  
糾問 楚辭天問焉有虬龍負熊以游 熊氏瑤應圖虬龍  
黑身無鱗甲淮南子女媧  
之時服應龍驂青虬是也

龍子有角者李善注甘泉賦引無子字韻會引同離騷  
駟玉虬以乘鸞兮注云有角曰龍無角曰虬漢書馮衍傳  
駟素虬而馳騁顏注虬龍之無角者廣雅有角曰龍龍文  
選注引作虬漢書司馬相如傳六玉虬張揖曰龍子有角

虬曰

蛇屬黑色潛于神淵能興風雨從虫侖聲讀若戾艸

力屯切

蛇屬黑色潛于神淵者江賦神蜈蚣以沈游李善云說文曰蜈蚣屬也許注淮南云黑蜈蚣神蛇也潛於神泉張景陽雜詩黑蜈蚣重淵劉孝儀為臨川王解司空表今水蜈蚣不躍早而為災能興風雨者韻會引作雲雨廣韻蜈蚣屬也黑色潛於神泉之中能興雲致雨淮南齊俗訓犧牛駢毛宜於廟牲其於致雨不若黑蜈蚣高注黑蜈蚣黑蛇也潛於神淵能致雲雨讀若戾艸者戾當為莫

蜈蚣或從戾

海蟲也者本書蜈蚣似蜈蚣字或作蜈蚣廣韻蜈蚣名集韻蜈蚣水蟲名似蚌長寸而白可食者玉篇蜈蚣小蚌可食晉書音義引字林蜈蚣海蟲長寸可食晉書夏統傳或至海邊拘蜈蚣以資養

海蟲也者本書蜈蚣似蜈蚣字或作蜈蚣廣韻蜈蚣名集韻蜈蚣水蟲名似蚌長寸而白可食者玉篇蜈蚣小蚌可食晉書音義引字林蜈蚣海蟲長寸可食晉書夏統傳或至海邊拘蜈蚣以資養

雉入海化為蜃從虫蜃聲

鄭注周禮醢人鼈人地官敘官並云蜃大蛤也周書王會且甌文蜃注云蜃大蛤也

雉入海化為蜃者廣韻引作雉入水所化字林蜃雉入海所化也搜神記千歲之雉入海為蜃周書時訓立冬十月節野雞化蜃若不化蜃即時多姪婦易通卦驗小雪雉入水為蜃昭十七年左傳丹鳥氏司閉者也杜注丹鳥鷺雉也入大水為蜃釋鳥鷺雉樊光曰丹雉也少皞氏以鳥名官丹鳥氏司閉以立秋來立冬去入水為蜃七修類稿萬物隨天地之氣以生殺變化之道寓焉若春夏之氣飛揚也故青蟲化蝴蝶水蟲化蜻蜓秋冬之氣降潛也故雀入大水為蛤雉入大水為蜃舉此則凡物可知月令雉入大水為蜃注云大水惟也大蛤曰蜃晉語雀入於海為蛤雉入於淮為蜃韋注小曰蛤大曰蜃夏小正十月雉入於淮為蜃蜃者蒲盧也中山經青要之山北望河曲是多僕纍蒲盧一聲之轉

蜃屬有三皆生於海千歲化為蜃秦謂之牡厲又云

百歲燕所化魁食一名復累老服翼所化從虫合聲

古音切

周書王會東越海食注云食文食 漢書地理志果臝食  
食物常足顏注食似蚌而圓 南越志凡食之屬開口間雷  
鳴不復閉口 寰宇記密州貢海食出  
琅邪臺常以三月候海潮上下方採

蜃屬者考工記旒氏注之以蜃注云鄭司農云士冠禮曰  
素積白履以魁附之說曰魁食也周官亦有白盛之蜃蜃  
蛤也 有三云云者文多脫誤爾雅釋文說文云食有三  
皆生於海食屬千歲雀所化秦人謂之牡屬海食者百歲  
燕所化也魁食一名復食老服翼所化也海食百歲燕所化也  
三種皆生於海食蠃千歲雀所化也海食百歲燕所化也  
魁食一名復食老服翼所化本草圖經按說文曰千歲鷲  
化爲海食魁食即是伏翼所化故一名伏老搜神記百年  
之雀入江爲食夏小正九月雀入於海爲食周書時訓解  
寒露又五日爵入大水化爲食月令鴻雁來賓爵入大水  
爲食呂氏春秋秋季秋紀高注作賓爵云賓爵老爵也栖宿  
於人堂字之間有似賓客故謂之老爵賓字屬下與今讀  
異張叔皮論賓爵下化田鼠上騰字林食燕雀所化也秦  
曰牡蠣大戴禮易本命篇鳥魚皆生於陰而屬於陽故鳥  
魚皆卵魚游於水鳥飛於雲故冬燕雀入於海化而爲蚘  
易通卦驗立冬燕雀入水爲食梁元帝謝賚食蚘啟雀文

始化燕羽猶在陶隱居云燕窠戶有北向及尾偏色白者  
皆是數百歲燕列子天瑞篇燕之爲食也淮南子燕入水  
爲食釋魚魁陸郭注云本草云魁狀如海食圓而厚外有  
理縱橫卽今之蚘也釋文云字書云蚘食也出會稽可食  
本草魁食一名魁陸一名活東生東海正圓兩頭空表有  
文陶注云形似紡鞋小狹長外有縱橫文理云是老蠃蝠  
所化圖經云形圓長似大腹橫椰兩頭有孔江賦洪蚘專  
車注引臨海水土記蚘徑四尺背似瓦壘有文集韻蚘蚌  
屬魁陸也橫縱其理又云陸海蛤員厚而有文玉篇蛙魁  
蛙也六書故蚘似蛤而厚殼殼文鱗差似瓦屋俗亦謂瓦  
屋也亦謂魁陸海物異名記瓦壘魁陸海蛤也嶺表錄異  
瓦屋子南中舊呼爲蚘子以其殼上有稜故名焉殼中有  
肉紫色而滿腹夢溪筆談魁蛤卽車螯  
也馥案復累山海經作僕纍又作蟻螺

字之階也脩爲麋圓爲蠃從虫庫聲 蒲猛切

廣韻麋與鮒同本書鮒蚌也徐鍇曰爾雅作麋 字或作  
蟬東京賦供蝸蟬與菱芡 既夕禮蟬醢注云蟬蚌也  
階也者韻會引作陸也張次立本同集韻六書故引作蛙  
字林蛙小蛤也玉篇蛙蚌長者廣雅蛙食蒲盧也釋魚蛙  
連筠籒叢書

麀郭注今江東呼蚌長而狹者為麀本草馬刀一名蚌生江漢長六七寸食其肉似蚌今人多不識大抵似今蜻蚘周禮醢人麀醢注云麀蛤也鼈人祭祀共麀鼈注云鄭司農云麀食也杜子春云麀蚌也六書故蝗蛤類修長如指馥案蝗即麀閩越人以田種之謂之麀田圓為蚌者復古編集韻增韻爾雅疏並引作蚌

蝸 蝸贏也從虫岡聲 古華切

江賦鸚螺蛭蝸 內則蝸醢而取食 西山經邱時之水其 中多贏母郭注蝶螺也中山經青要之山北望河曲是多僕 纍蒲盧郭注僕纍蝸牛也南山經洵水南流注于閼之澤其 中多芷贏注云紫色螺也 漢書地理志果麻贏蛤食物常 足 鹽鐵論越人 美贏蚌而簡太牢

蝸贏也者六書故贏其種不一水產之別尤多皆旋殼食 口大者如斗陸生者謂之土蝸土贏以其善緣又謂附蝸 附贏陵贏以有肉角又謂蝸牛蠡牛通志蝸牛曰蛞蝓曰 陵蠡曰土蝸曰附蝸爾雅附贏蛞蝓凡贏之類皆負殼惟 此能脫殼而行頭有兩角故曰蝸牛一切經音義二贏蚌 也廣韻旋蝸蝸螺也土冠禮贏醢注云今文贏為蝸吳語

其民必移就蒲贏於東海之濱韋注蒲深蒲也贏蚌蛤之 屬馥案蒲贏即夏小正之蒲盧盧贏聲轉王沈魏書袁術 在江淮取給蒲贏莊子則陽篇有所謂蝸者君知之乎釋 文李云蝸蟲有兩角俗謂之蝸牛三蒼云小牛螺也一云 俗名黃犢尚書大傳鉅定螺鄭注螺蝸牛也陶注本草蝸 牛云蝸牛字是力戈反而俗呼為瓜牛生山中及人家頭 形如蛞蝓但背負殼爾古今注蝸牛陵螺也形如蛞蝓殼 如小螺熱則自懸於葉下野人結圓舍如蝸牛之殼故曰 蝸舍裴松之曰魏畧云焦先及楊沛並作瓜牛廬以為瓜 當作蝸蝸牛螺蟲之有角者也俗或呼為黃犢先等作圓 舍形如蝸牛殼故謂之蝸牛廬爾雅翼蝸牛似小贏白色 生池澤草木間頭有兩角行則出驚則縮首尾俱能藏入 殼中盛夏日中則自懸樹葉下往往升高涎 沫既盡隨即槁歟以其有兩角故以牛名

蚌 蚌屬從虫半聲 步項切

異物志蚌似車螯潔白如玉 符子鏡以曜明故鑿人蚌以 合珠故內照 呂氏春秋精通篇月也者羣陰之本也月望 則蚌蛤實羣陰盈月晦則蚌蛤虛羣陰虧夫月形乎天而羣 陰化乎淵注云羣陰蚌蛤也隨月盛衰虛實也 郭璞贊萬 竟文解字彙登 卷四十二 長 連筠籜叢書

物變蛻其理無方雀雉之化含珠懷璫與月盈虧協氣晦  
望字林蚌燕雀所化也月望則蚌蛤實月晦則蚌蛤虛也

蜃屬者釋魚蚌含  
漿郭注蚌即蜃

**蚌**

蚌屬似嫌微大出海中今民食之從虫萬聲讀若賴

力制切

集韻雕百  
歲化為螭

蚌屬者寰宇記海州朐山縣螭山在縣東南二百里山在  
海中故其山多螭即螺蚌之屬也似嫌微大出海中者  
字或作蚶本草蛤蚶生東南海中白殼紫脣大二三寸者  
閩浙以其肉充海錯今民食之者一切經音義二十引  
作人食之也馥案唐諱民改作人論衡土倉合蚶之肉無  
精輕之驗安能縱體而升謝靈運游名山志新溪螭味偏  
甘有過紫溪者永嘉郡記樂成縣新溪口有螭方圓數十  
畝四面皆螭其味偏好南史王融傳不知許事且倉蛤蚶

**蚶**

蚶屬也從虫俞聲

羊朱切

虎蚶也者字書虎蚶蚶牛也廣雅蠡蚶蚶牛蚶蚶也爾雅  
釋魚蚶蚶蚶郭注即蚶牛也本草蚶蚶一名陵蠡一名  
士蚶一名附蚶生大山池澤及陰地沙石垣下衍義云蚶  
蚶蚶牛二物矣蚶蚶其身肉止一段蚶牛背上別有肉以  
負殼行顯然異矣以蚶蚶是蚶牛之老者甚無謂蚶蚶有  
二角蚶牛四角兼背有負殼因豈得為一物也士冠禮蠡  
醢注云蚶蚶醢今文蠡為蚶淮南傲真訓蠡蚶蚶院高注  
蚶牛即蚶蚶也螺也李淳風引詩緯十五國星野云邶國  
當虎蚶之宿注云虎蚶蚶牛也爾雅翼蚶蚶入三十六禽  
又是四種角之例營室之精楊慎曰術數家以三十六禽  
配十二辰其配已則蛇蚶蚶蚶蚶蚶  
今之蚶牛亦穴居者故與蛇同類

**蛭**

蛭也從虫昌聲

狂沈切

蛭也者蛭當為蠖本書蠖蟲行也字林蛭蟲貌也玉篇蛭  
蜀兒本書蜀象其身蛭蛭引詩蛭蛭者蜀程君瑤田日記  
日刺兵欲無蛭先鄭蛭謂撓也案下記云凡試廬事置而  
搖之以砥其蛭也蛭謂不直兒如蜀身之蛭蛭然也釋魚  
蛭蠖郭注井中小蛭蠖赤蟲馥案蛭蠖本名昌作虫旁者  
謂蟲動非蟲名又案蛭蠖聲相近戰國策范環史記甘茂

傳作范娟漢書藝文志娟子即楚人環淵淮南原道訓又作娟蠟

**蠟** 死蠟也從虫宜聲 常演切

死蠟也者集韻引作蠟蠟廣韻作蛻蠟揚雄傳作兔延風俗通冷澀比如寒蛻一切經音義十三曲蠟即蛻蛻亦名蜜蠟今江東呼為寒蛻古今注蛻蛻一名曲蠟一名善長吟於地中江東謂之歌女或謂之鳴砌廣雅蛻蛻蛻蛻也釋蟲蛻蛻蛻蛻郭注即蛻蛻也稽康琴賦蛻蛻相糾

**蠟** 蠟也從虫幽聲 於切

蠟也者玉篇蠟與蛻同蛻蛻龍兒漢書司馬相如傳青龍蛻蛻於東廂顏注蛻蛻行動貌又大人賦蛻赤蛻青蛻之蛻蛻 蛻蛻

**蛻** 蛻也從虫參聲 力幽切


**蛻** 藏也從虫韞聲 直立切

釋詁蛻靜也 易繫辭龍蛇之蛻以存身也 哀十二年前左傳火伏而後蛻者畢 夏小正正月啓蛻傳曰啓蛻言始發蛻也 周書時訓解蛻蟲不振陰奸陽 呂氏春秋孟春紀蛻蟲始振注云蛻讀如詩文王之什蛻伏之蟲乘陽始振動蘇生也 淮南地形訓介鱗者夏會而冬蛻 山海經冬灰而夏生注云此亦蛻類也謂之灰者言其蛻無所知如灰巨藏也者一切經音義十三說文蛻藏也蟲至冬即蛻隱不出也獸有淺毛亦蛻熊羆等也

**蚨** 青蚨水蟲可還錢從虫夫聲 房無切

青蚨水蟲可還錢者廣雅螭蝮魚伯青蚨也稽聖賦涂青蚨而還錢鬼谷子若蚨母之從其子也注云蚨水蟲用其血染子母錢則常不相離淮南萬畢術青蚨還錢注云以其子母各置瓮中埋東行陰垣下三日後開之即相從以母血涂八十一錢以子血涂八十二錢以其錢更互市置子用母置母用子皆自還也搜神記南方有蟲名螭蝮形如蟬大味辛美可食其子著草葉如蠶種得其子則母飛來雖潛取必知處殺其母涂錢子涂貫用錢貨去旋則自還陳藏器本草青蚨生南海狀如蟬其子著木用以涂錢皆歸本處海藥云謹按異物志青蚨生南海諸山雄雌常


處不相捨與青金色相似人探得以法末之用途錢以貨  
易畫用夜歸亦是人閒難得之物也或作青鳧白帖漢時  
有青鳧錢以血涂之去又來寰宇記賓州有蠟蝟蟲郡國  
志云形如蟬辛美可食子如蠶種著草葉中得其子則母  
飛來就之謂之青鳧東哲云  
青鳧可以還錢或云青蚨



蝟龍詹諸以脰鳴者從虫叺聲

居六切

蝟龍詹諸者本書先龍詹諸也廣韻蝟龍蝟釋蟲不蝟王  
蛟馥謂蝟龍不蝟聲相近王蛟當為去蛟詹諸謂之去蛟  
以脰鳴者者鄭注考工記梓人  
云脰鳴龍屬釋文云脰頸也



蝦蟆也從虫叺聲

乎加切

顏注急就篇蝦蟆一名螿大腹而短腳 釋蟲螿  
蟆郭云蛙類 易通卦驗夏至小暑蝦蟆無聲  
蝦蟆也者本書蝦蟆一名蟾蜍一名鼃一名去甫一名苦  
蠶生江湖池澤陶隱居云此是腹大皮上多疖痂者陳藏  
器云蝦蟆蟾蜍二物各別蝦蟆背有黑點身小能跳接百  
蟲解作叩叩聲在陂澤閒舉動極急蟾蜍身大背黑無點




蟾也從虫莫聲

莫返切

多疖痂不能跳不解作蟾行動遲緩在  
人家溼處本經云蝦蟆一名蟾蜍誤矣

胡注通鑑眉州眉山東有  
蟆頤山狀如蟆頤因名



大龜也以胃鳴者從虫舊聲

戶圭切

郭璞山海經圖贊水圓三方潛源溢沸靈  
龜爰處掉尾養氣莊生是感揮竿敖貴

大龜也者本書背背觸觸當為蟻玉篇蟻背蟻似蟻而  
薄有文郭注爾雅涪陵郡出大龜甲可以卜緣中文似蟻  
蟻俗呼為靈龜即今背蟻龜一名靈蟻能鳴東山經深澤  
其中多蟻龜郭注蟻背蟻大龜也甲有文彩似蟻而薄  
楚詞招魂露雞臚蟻注云蟻大龜也西京賦淵游龜蟻五  
臣注蟻龜類也漢書揚雄傳法靈蟻應劭曰蟻大龜也雄  
曰毒冒雌曰背蟻禮樂志馮蟻切和疏寫平晉灼曰蟻背  
屬龜屬也 以胃鳴者者鄭注考工記梓人云胃鳴榮原  
屬釋文胃買馬作  
胃買云靈蟻也

司馬相如說蠮從蠮

本書瓊或從嶺

蠮

蠮離也從虫漸省聲

慈染切

蠮離也者廣韻蠮蠮蟲名漢書司馬相如傳鱧鱮蠮離通作漸史記有高漸離

解

有二螯八足旁行非蛇鱣之穴無所庇從虫解聲

胡買切

太元解之郭索心不一也傳眩解諧解鵠眼鬻足姬腦蝟腹其爪類拳丁其螯類執鉞生於濟鄆者其色紺紫產於江南者其色青白容齋四筆文登居亢多識草木蟲魚守官台州臨海命工作解圖凡十有二種一曰蝮蟬乃解之巨者兩螯大而細毛如苔八足亦皆有微毛二曰撥棹子狀如蝮蟬螯足無毛後兩小足薄而微濶類人之所食者然亦頗異其大如升南人皆呼為解八月閒盛出人採之與人鬪其螯甚巨往往能害人三曰擁劍狀如解而色黃其一螯偏長

三寸餘有光四曰彭蠡螯微毛足無毛以鹽藏而貨於市爾雅曰彭蠡小者蠮云小蠮也蟬音澤蠮音勞吳人呼為彭越搜神記言此物嘗通人夢自稱長卿今臨海人多以長卿呼之五曰竭朴大於彭蠡殼黑斑有文章螯正赤常以大螯障目小螯取食六曰沙狗似彭蠡壤沙為穴見人則走屈折易道不可得七曰望潮殼白色居則背坎外向潮欲來皆出坎舉螯如望不失常期八曰倚望亦大如彭蠡居常東西顧視行不四五又舉兩螯以足起望惟入穴乃止九曰石廂大於常蠮八足殼通赤狀若鷲卵十曰蜂江如解兩螯足極小堅如石不可食十一曰蘆虎似彭蠡正赤不可食十二曰彭蠡大於蠮小於常蠮呂君云此皆常所見者北人罕見故繪以為圖又海商言海中龜龜島之東一島多蠮種名甚異有虎頭者有翅能飛者有能捕魚者有殼大兼尺者以非親見故不畫李履中得其一本為作記予家楚宦游二浙聞廣所識蠮屬多矣亦不悉與前說同而所謂黃甲白蠮蠮蠮諸種呂圖不載豈名謂或殊乎故紀其詳以示博雅者釋魚蠮蟬小者蝮郭注或曰卽蠮蟬也似解而小世說新語紕漏篇蔡司徒渡江見彭蠡大喜曰蟹有八足加以二螯令烹之既會吐下委頓方知非蟹後向謝仁祖說此事謝曰卿讀爾雅不熟幾為勸學成注云大戴禮勸學篇曰蟹二螯八足非蛇蟬

說文解字義登

卷四十二

三

連筠蓀叢書

之穴無所寄託者用心躁也故蔡邕為勸學章取義焉爾雅曰蝓蟬小者蝓即彭蟬也似蟹而小今彭蟬小於蟹而大於彭蟬即爾雅所謂蝓蟬也然此三物皆八足二螯而狀甚相類蔡謨不精審其小大會而致樂故謂讀爾雅不熟也

有二螯八足者一切經音義十六引作水蟲也八足二螯者行也廣韻蟹水蟲玉篇蟹二螯八足急就篇鯉鮒蟹八足晉書畢卓傳左手持酒杯右手持蟹螯廣韻螯蟹大脚也敬齋古今鞋蟹八足而二螯天下人無不識者而荀卿子謂蟹六跪而二螯楊倞云跪足也韓子以刑足為刑跪蟹蟹首上如鉞者許慎說文亦云蟹六足而二螯荀卿子趙人仕齊三為祭酒後適楚為蘭陵令趙齊皆有蟹而楚又蟹之鄉也荀子大儒而謂蟹六跪何邪許叔重嘗撰五經異義當時號為博物而亦以蟹為六足者非不識蟹蓋循荀子之說而忘其所以為誤巨馥案此所見本作六足埠雅蟹旁行故今里語謂之旁蟹孝經援神契蟹二螯兩端旁行注云螯猶兵也小蟲而欲兩端自衛故使旁行也鄭注考工記梓人云仄行蠲屬非蛇蟬之穴無所庇者荀子勸學篇蠲非蛇蟬之穴無所寄託者用心躁也纂文蟬蛇魚也集韻蛇蟬黃質黑文爾雅翼蟬似蛇亦名

蛇蟬淮南子曰赤螭青虬之游冀州也天清地定嗜味含甘步不出頃畝之區而蛇蟬輕之以為不能與之爭於江海之中急就篇鯉鮒蟹蟬鮑鮒鮒注蟬似蛇周書王會甌人會蛇蟬攝生月令四月勿倉蛇蟬郭注山海經蟬魚似蛇音善淮南說林訓今蟬之與蛇狀相類而愛憎異四子講德論鯉蟬並迷九罟不以為虛抱朴子田地既有自然之蟬而又有荇莖荇根土龍之屬化為蟬異苑蟬或人髮化也顏氏家訓歸心篇江陵劉氏以賣蟬羹為業字或作鮒廣韻鯉與鮒同魚似蛇南齊書周顒傳鮒之就脯驟於屈伸梁書邵陵王綸攝南徐州事問賣鮒者刺史何如對言操虐綸怒令吞鮒以死周處風土記陽羨俗五月以蕪烝鮒魚食凡鮒魚夏出冬蟄亦以將陽氣和時節也胡注通鑑云鮒與蟬同鮒魚似蛇今江東溝港皆有之又通作鮒韓非內儲說鮒似蛇蠶似蠲人見蛇則驚駭見蠲則毛起然而婦人拾蠶漁者握鮒利之所在則忘其惡說苑騰蛇暮託宿於鮒鮒之穴後漢書楊震傳後有冠雀銜三鮒魚飛集講堂前都講取魚進曰蛇鮒者卿大夫服之象也數三者法三台也先生自此升矣注云鮒音善韓子云鮒似蛇臣賢案續漢及謝承書鮒字皆作蟬然則鮒蟬古字通也鮒魚長者不過三尺黃地黑文故都講云蛇蟬卿

大夫服之象也郭璞云鱸魚長二三丈音知然反安有鶴  
 雀能勝二三丈乎此為鱸明矣顏氏家訓書證篇後漢書  
 云鶴雀銜三鱸魚多假借為鱸鮪之鱸俗之學士因謂之  
 為鱸魚案魏武四時倉制鱸魚大如五斗匳長一丈郭璞  
 注爾雅鱸長二丈安有鶴雀能勝一者況三頭乎鱸又純  
 灰色無文章也鱸魚長者不過三尺大者不過三指黃地  
 黑文故都講云蛇鱸卿大夫服之象也續漢書及搜神記  
 亦說此事皆作鱸字孫卿云魚鱸鱸及韓非說苑皆曰  
 鱸似蛇蠶似蠋竝作鱸字假鱸為鱸其來久矣馥案杜甫  
 夔府詠懷詩求飽或三鱸押入先韻形聲竝誤或作鱸白  
 帖漢昭帝時釣得較長三丈帝  
 曰此魚鱸之類命大官為鱸

解

解或從魚

解

解也從虫危聲

過委切

解也者集韻蛻解六足者本草圖經蟹之類甚多六足者  
 名蛻有大毒不可食廣雅蝓蛻蛻也其雄曰鯁鯁其雌曰  
 帶

域

短狐也似鼈三足以氣射害人從虫或聲

于逼切

洪範五行傳蝥如鼈三足生於南越南越婦人多淫故其地  
 多蝥淫女惑亂之氣所生也 卑雅域畏鷲禽經鷲飛則域  
 沈 臨海異物志鷲鷲水鳥會短狐  
 馥案杜臺卿淮賦鷲鷲尋邪而逐害

短狐也似鼈三足以氣射害人者玉篇域似鼈含沙射人  
 為害如狐也廣雅射工短狐盛也詩何人斯為鬼為域傳

云域短狐也陸璣疏云一名射影江淮水皆有之人在岸  
 上影見水中投人影則殺之故曰射影南人將入水先以

瓦后投水中令水濁然後入或曰含沙射人皮肌其瘡如  
 疥周禮壺涿氏掌除水蟲注云水蟲狐域之屬竹書惠王

二年鄭人入王府多取玉玉化為域射人楚詞大招魂乎  
 無南域傷躬只王注域短狐也洪氏補注引孫真人云江


東江南有蟲名短狐谿毒亦名射工其蟲無目而利耳能  
 聽在山源谿水中間人警便以口中毒射人大荒南經有

域民之國射域是倉注云域短狐也似鼈含沙射人中之  
 則病或博物志江南山谿中射工甲蟲類也長一二寸口

中有弩形氣射人影隨所著處發瘡不治則殺人論衡言  
 毒篇夫毒太陽之熱氣也太陽火氣常為毒螫氣熱也太


陽之地人民促急促急之人口舌為毒故楚越之人口唾  
 射人則人脈胎腫而為瘡南郡極熱之地其人視樹樹枯  
 唾鳥鳥墜故南道名毒曰短狐干寶搜神記有物處於江  
 水其名曰蠅一日短狐能含沙射人所中者頭痛發熱劇  
 者至死以方術抑之則得沙石於冎中玄中記短狐者視  
 影蟲也其氣乃鬼也長三四寸其色黑廣寸許背上有甲  
 厚三分許其頭有角向前如角狀見人則氣射人去二三  
 步即射中人十八六七人亦鴛鴦鸞鸞蟾蜍悉會之抱朴  
 子登涉篇短狐一名蠅一名射工一名射影其實水蟲也  
 狀如鳴蜩狀增作似三合孟有翼能飛無目而利口口中  
 有橫物如角弩間人聲以氣為矢則因水而射人中人身  
 者即發瘡中影者亦病而不即發瘡不曉治之者殺人其  
 病似大傷寒不十日皆死射工冬天蟄於山谷閒大雪時  
 索之此蟲所在其雪不積留氣起如灼烝掘之不過入地  
 一尺則得也陰乾末帶之夏天自糜射工也後漢書馬融  
 傳走蠅祥注云洪範五行傳曰蠅射人生於南越謂之短  
 狐詩蠅魚疏曰一名射景如鼈三足今俗謂之水弩也南  
 齊書孝義傳鄰舍人有中溪蠅毒者柳宗元嶺南詩射工  
 巧伺游人影春秋莊十八年秋有蠅服注蠅短狐南方盛  
 暑所生其狀如鼈古無今有含沙射入人皮冎中其瘡如

疥偏身中獲獲蠅故曰災禮曰惑君則有京房易傳忠  
 臣進善君不識厥咎國生蠱漢書五行志劉向以為有蜚  
 有蠱不言來者氣所生所謂青也楚元王傳有  
 蠅蜚顏注蠅短尾狐也馥案春秋之蠅螟蝗類



蠅又從國

陳藏器本草鴟鴞鳥主蠅短狐等病將鳥來病人邊則能咬  
 人身訖以物承之當有砂石出也其砂即是含砂射人砂是  
 此蟲之  
 箭也



似蜥易長一丈水潛吞人即浮出日南從虫訖聲

五各

切

字或作鰐博物志南海有鰐魚狀似鼈斬其頭而乾之去齒  
 更生如此者三乃止又作鱷赤雅鱷魚一名忽雷經云海有  
 大魚厥名曰鱷其骨已朽其齒三作馥案韓滉製二琵琶進  
 文宗名曰大忽雷小忽雷言其器音響如蜥魚之鳴也又案  
 韓愈在潮州為文驅逐蜥即徙去宋  
 陳堯佐捕得一尾戮之有文記其事

似蜥易長一丈者寰宇記鰐魚狀如鼉四足身長二丈口  
 長四尺齒如鋸食人為窠生卵如鷲子大成後骨已枯齒  
 落更生朽盡乃止廣州異物志鰐魚長者一丈餘有四足  
 喙長七尺齒甚利虎及鹿渡水鰐擊之皆中斷及成斷喙  
 去齒旬日更生吳都賦鼉鱓鱓鱓五臣注鰐魚長二丈餘  
 有四足似鼉喙長三尺甚利齒虎及大鹿渡水鰐擊之皆  
 中斷生子則出在沙上乳卵卵如鴨子亦有黃白可食  
 水潛吞人即浮者爾雅翼鰐魚能食人既飽浮出水上若  
 昏醉之狀出日南者他處亦有之梁書林邑國於城溝  
 中養鰐魚門外圍猛獸有罪者輒以餒猛獸及鰐不食為  
 無罪三日乃放之鰐大者長二丈餘狀如鼉一目四足喙  
 長六七尺兩邊有齒如刀劍魚常遇得麋鹿及人亦噉之  
 蒼梧以南及外國皆有吳時外國傳鰐魚大者長二三丈  
 有四足似守宮常吞食人扶南王范尋救捕取置溝壑中  
 尋有所忿者縛以食若無罪鰐不食便解放嶺表錄異鰐  
 魚其身土黃色有四足修尾形狀如鼉而舉止趨疾口森  
 鋸齒往往害人南中鹿多畏懼此物如鹿走崖岸之上羣  
 鰐嗥叫其下鹿必怖懼落崖多為鰐魚所得亦物之相攝  
 伏也寰宇記惠州歸善縣鰐池池中多鰐魚因為名



蝮山川之精物也淮南王說蝮蝮狀如三歲小兒


赤黑色赤目長巨美髮從虫网聲國語曰木石之怪

夔蝮蝮文兩切

蝮蝮山川之精物也者李善注西京賦引作水神一切經  
 音義二說文蝮蝮從虫字書從鬼同通俗文木石怪謂之  
 蝮蝮言木石之精也馥案又作罔兩宣三年左傳故民入  
 川澤山林不逢不若蝮魅罔兩莫能逢之杜注罔兩水神  
 服虔注罔兩木石之怪又作方良周禮方相氏毆方良注  
 云方良罔兩也又作罔閭史記孔子世家木石之怪夔罔  
 閭淮南王說云云者一切經音義二引淮南說狀如二  
 歲小兒赤黑色赤目赤爪長耳美髮也國語曰木石之  
 怪夔蝮蝮者魯語文韋注蝮蝮山精好數人聲而迷惑人  
 也賈逵注罔兩罔象言有夔龍之形而無實體皆虛無也



蝮蝮也從虫兩聲良獎切



善援屬從虫爰聲兩元切

一切經音義十媛五百歲化為獼猴壽千歲  
 見夫元媛乎當其居桂林之中峻叢之上從容游戲超騰往  
 來龍興而鳥集悲嘯長吟當此之時雖羿逢蒙不得正目而  
 視也 淮南說林訓漢書景十三王傳竝作此媛字或作猿  
 玉篇猿似獼猴而大能嘯也陸機詩疏長臂者為猿列子天  
 瑞篇老輪之為猿也莊子天地篇猿狙之便自山林來釋文  
 司馬云言便捷見捕楚詞哀時命置猿於楹檻兮夫何以  
 責其捷巧南山經堂庭之上多白猿注云今猿似獼猴而大  
 臂脚長便捷色有黑有黃鳴聲甚哀說苑猿得木而挺 通  
 作爰漢書李廣傳為人長爰臂如淳曰臂如猿通肩也  
 善援者釋獸猿媛善援郭注便攀援釋文援猶引也考工  
 記凡攬網援箠之類管子形勢解緣高出險蝮媛之所長  
 而人之所短也故曰墜岸王切人之所大難也而蝮媛飲  
 焉漢書揚雄傳媛狄擬而不敢下顏注媛善攀援 禺屬  
 者御覽引作鬪屬音扶沸切孝子傳猿鬪屬  
 也或黃或黑通艸輕勦善緣能於空處輪轉  
 禺屬從虫翟聲 直角切  
 禺屬者當如釋獸作寓屬史記司馬相如傳  
 蛭蜎蝻字或作翟王篇翟似獼猴而黃

# 雉

如母猴印鼻長尾從虫隹聲

余季切

史記索隱雉今狄一切經音義八狄古文雉字林餘繡反江  
 東名也又音餘季反建平名也 爾雅圖讚寓屬之才莫過  
 於雉兩則自縣塞鼻以  
 尾厥狀雖陋列象宗彝  
 如母猴印鼻長尾者集韻引字林雉獸名如猴印鼻長尾  
 廣雅獺狙獼猴也集韻引作獼雅馥案雅即雉之別體玉  
 篇雅似獼猴釋獸雉印鼻而長尾郭注雉似獼猴而大黃  
 黑色尾長數尺似獼尾未有岐鼻露向上兩即自縣於樹  
 以尾塞鼻或以兩指江東人亦取蒼之為物捷健中山經  
 高山其獸多媛雉郭注與爾雅注畧同漢書司馬相如傳  
 雉鬻飛蠋張指曰雉如母猴印鼻而長尾馥謂當作寓屬  
 彝雉彝注云雉禺屬印鼻而長尾馥謂當作寓屬

# 蝮

北方有蚡犬倉人從虫句聲

古厚切

北方有蚡犬倉人者海內北經蚡犬如犬  
 青色倉人從首始注云音陶或作蚡音鈞

# 蜚

蜚蜚獸也一曰秦謂蟬蛻曰蜚從虫非聲

渠谷切



跳兔形皆兔也但前足纔寸許後足幾一尺行則用後足跳一躍數尺止則蹶然仆地生於契丹慶州之地大漠中予奉使日捕得數兔持歸蓋爾雅所謂麋兔也亦曰蜚蜚巨驢也劉氏新論託附篇麋鼠附於蜚蜚以攀追日之步



蝙蝠也從虫扁聲 布玄切

郭氏元中記百歲之鼠化為蝙蝠 陸詩會不如老鼠翻飛成蝙蝠 吳婁縣記太湖東邊別有小山名小洞庭有三穴中有大蝙蝠如鳥 臨海記黃石山泄水東南五峴路口有鍾乳穴中伏翼大如鷲鴟 古今注蝙蝠一名仙鼠一名飛鼠五百歲色白腦重集物則頭垂故謂之倒挂蝙蝠會之神仙 曹植蝙蝠賦吁何姦氣生茲蝙蝠形殊性詭每變常式行不由足飛不假翼明伏暗動盡似鼠形謂鳥不似二足謂毛飛而含齒巢不哺穀空不乳子不容毛羣斥逐羽族下不蹈陸上不馮木



蝙蝠服翼也從虫畐聲 方六切


蝙蝠服翼也者釋鳥文郭注齊人呼為蠖蠖或謂之仙鼠廣韻引作伏翼變化論蝙蝠應值庚申乃伏故說文一名

伏翼孝經援神契蝙蝠伏匿故夜會廣雅伏翼飛鼠仙鼠蠖蠖也易通卦驗雨水蝙蝠出注云蝙蝠伏翼本草伏翼一名蝙蝠唐本注云伏翼以其畫伏有翼爾方言一名仙鼠在山孔中會諸乳石精汁皆千歲頭上有冠淳白大如鳩鵲會之令人肥健長年其大如鵲未白者皆已百歲而拉倒懸吳氏本草伏翼或生人家屋間方言蝙蝠自關而東謂之服翼或謂之飛鼠或謂之老鼠或謂之仙鼠自關而西秦隴之閒謂之蝙蝠北燕謂之蠖蠖新序黃鵠白鶴一舉千里使之與燕服翼試之堂廡之下廬室之閒其便未必能過燕服翼也




南蠻蛇種從虫絲聲 莫還切

書禹貢三百里蠻馬注蠻慢也禮筋怠慢來不距去不禁鄭注蠻者聽從其俗羈縻其人目故云蠻蠻之言縉也南蠻者廣韻蠻南夷名王制南方曰蠻離題交趾有不火倉者矣皇氏論語義疏南有八蠻一天竺二咳首三焦僥四歧踵五穿胸六僮百七狗軹八豸脊 蛇種者本書羌下云南方蠻閩從虫白虎通蠻虫難化執心違邪



東南越蛇種從虫門聲 武巾切

東南越者史記東越傳閩越王無諸注云東越之別名周禮職方氏四夷八蠻七閩鄭答趙商入蠻在南方閩其別也 蛇種者廣韻閩越蛇種也漢書高帝紀亾諸身帥閩中兵以佐滅秦顏注閩越今泉州建安是其地也其人本蛇種故其字從虫



蛩蛩也狀似蟲從虫工聲明堂月令曰虹始見

戶工切

一切經音義二十一天弓亦言帝弓即天虹俗云絳 裴松之三國志注虹音降 爾雅音虹雙出色鮮盛者為雄雄曰虹闇者為雌雌曰霓 釋名虹攻也純陽攻陰氣也又曰蛩蛩其見每於日在西而見於東吸飲東方之水氣也見於西方曰升朝日始升而出見也又曰美人陰陽不和婚姻錯亂淫風流行男美於女女美於男恆相奔隨之時則此氣盛故以盛時名之也 漢書燕王旦傳天雨虹下屬宮中飲井水 文子天有二氣則成虹 詩義問虹有赤色在上者陰乘陽氣也 尚書考靈曜注云日旁氣白者為虹 易通卦驗注云虹者陰陽交接之氣陽唱陰和之象 春秋元命苞陰陽交為虹霓 春秋暹斗樞樞星散為虹霓 虹霓 河圖稽曜鈞鎮星散為虹霓


蛩蛩也者郭注山海經虹蛩蛩也漢書天文志抱珥蜺蜺如淳曰蜺或作虹蛩蛩謂之虹表云雄為虹雌為蜺 明堂月令曰虹始見者月令季春之月虹始見注云蛩蛩謂之虹蔡氏章句虹蛩蛩也陰陽交接之氣著於形色者也 雄曰虹雌曰蜺虹常依陰雲而晝見於日衝無雲不見太陰亦不見率以日西見於東方故詩云蛩蛩在東蜺常依蒙濁見日旁白而直者曰白虹凡日旁者四時常有之惟雄虹起季春見至孟冬乃藏周書時訓解虹不見婦人苞亂呂氏春秋季春紀虹始見注云虹蛩蛩也兗州謂之訂京房易傳蜺四時有之惟雄虹見藏有月



籀文虹從申申雷也

本書陳古文作

從申申電也者釋天疾雷為霆霓春秋震電穀梁以電為霆馥案從申即霆霓之義



蛩蛩也從虫帶聲 都計切

蛩蛩虹也者釋天文郭注俗名美人虹字或作蛩詩鄘風蛩蛩在東傳云蛩蛩虹也正義云此與爾雅字小異音實

同詩又云朝隋于西崇朝其雨箋云朝有升氣於西方終其朝則雨氣應自然正義云視禮注云隋虹也詩云朝隋于西則隋亦虹也由升氣所為故號虹為隋鄭司農亦云隋者升氣是也

蝮

蝮蝮也從虫東聲

多貢切

𧈧

衣服歌謠艸木之怪謂之𧈧禽獸蟲蝗之怪謂之𧈧

從虫𧈧聲

魚剌切

衣服歌謠云云者一切經音義四引云衣服歌謠之怪謂之妖禽獸蟲蝗之怪謂之𧈧𧈧災也廣韻𧈧𧈧釋名𧈧𧈧也遇之如物見髮𧈧也通作孽白虎通孽者何謂也曰介蟲生非常尚書大傳曰時則有介蟲之孽時則有龜孽漢書五行志凡草物之類謂之妖妖猶天胎言尚微蟲多之類謂之孽孽則身孽矣禮樂志妖孽休息昭十年左傳溘利生孽注云孽妖害也吳語以妖孽吳國大戴禮四代篇委利生孽中庸必有妖孽何休膏肓昔周公之隆天不出妖地不出孽

蝮

見蝮下

蝮

黑貝

廣韻引

蝮

說見蝮下

遺文三

文一百五十三

重十六

